

第 六 卷

內閣文庫	漢書	類
一〇三	二	三
一四九	四	九
一〇	六	七
來	冊	號

太政官文庫

漢書門	一〇三	二	三
冊架函	一四九	四	九

十三經註疏

內閣文庫	番號	漢	1023
	冊數	149 (106)	
	函號	276	23



春秋左傳註疏卷第十三

春秋左傳註疏卷第十三

傳六年書十四年

明治十一年

晉杜氏註

唐孔穎達疏

經六年春王正月

夏公會齊侯宋公陳侯衛侯曹伯伐鄭圍新城

鄭新密今滎陽密縣

秋楚人圍許 楚子不親圍以圍者告諸侯遂救許

皆伐鄭之諸侯故不復更敘

冬公至自伐鄭 無傳 公至自伐鄭。正義曰二十八年公會晉侯云云于濫諸

春秋左傳

卷第十三

及古閣

侯遂圍許二十九年公至自圍許此年會伐鄭遂救許不稱至自救許而云至自伐鄭與溫會反者釋例曰諸若此類事勢相接或以始致或以終致蓋時史之異也此事當由公至自告廟所告不同史依告而書不為義例

傳六年春晉侯使賈華伐屈夷吾不能守盟而行

賈華晉大夫非不欲校力不能守言不如重耳之賢

將奔狄御內曰後出同走罪也

相隨。御去逆反。不如之梁。梁近秦而幸焉。乃之梁。

以求入。近附。夏諸侯伐鄭以其逃首止之盟故

以求入。近附。夏諸侯伐鄭以其逃首止之盟故

也。首止盟在五年圍新密鄭所以不時城也

新密而經言新城者鄭以非時興土功齊桓聲其罪

以告諸侯。言圍新城傳云鄭所以不時城也解經言新城之意

鄭以非時築城違禮害民齊桓聲其罪以告諸侯故

無故不造城造城則改其所造司馬法曰產城攻其

所產。秋楚子圍許以救鄭諸侯救許乃還。冬蔡

穆侯將許僖公以見楚子於武城。楚子退舍武城

猶有忿志而諸侯各罷兵故蔡將許君歸楚武城楚

地在南陽宛縣北。見賢備反罷皮罵反。許男面縛

及左閣

銜璧大夫衰經士輿觀經縛手於後唯見其面以璧

為贄手縛故銜之觀棺也將受死故衰經衰七雷

反註同觀初觀反贄音至一楚子問諸逢伯逢伯

楚大夫對曰魯武王克殷微子啓如是微子啓紂

庶兄宋之祖也微子至祖也正義曰案宋世

帝紂之庶兄周武王克殷微子乃持其祭器造於軍

門肉袒面縛左牽羊右把茅膝行而前以告於是武

王乃釋微子復其位成王誅武庚乃命微子代殷之

後國於宋史記之言多有錯謬微子手縛於後故以

口銜璧又焉得牽羊把武王親釋其縛受其璧而

茅也此皆馬遷之妄也武王親釋其縛受其璧而

之祓除凶之禮說文云除惡之祭也祓除凶

義曰周禮女巫掌歲時祓除謂之祓除明是除凶之

禮也襄二十九年稱公臨喪使巫以桃茷先祓殯此

亦當以桃茷其觀禮而命之使復其所楚子從之

經七年春齊人伐鄭無傳鄭犁來始得王命而來朝也

夏小邾子來朝之別封故曰小邾

鄭殺其大夫申侯申侯鄭卿專利而不厭故稱名以

殺罪之也例在文六年厭於鹽

秋七月公會齊侯宋公陳世子款鄭世子華盟于甯母

高平方與縣東有泥母亭音如甯母如字又音

無註同方音房

與音豫泥乃麗反
又音甯王奴兮反

曹伯班卒無傳五年同盟于首止

公子友如齊無傳罷盟而聘謝不敏也

冬葬曹昭公無傳

傳七年春齊人伐鄭孔叔言於鄭伯曰諺有之曰心

則不競何憚於病競強也憚難也乃旦反下及八

年經傳心則至於病正義曰競強也言心則不

並同能強盛則當須屈服於人何得難於屈弱

之病而既不能彊又不能弱所以幾也國危矣請下

齊以救國公曰吾知其所由來矣吾知其所由來

矣○正義曰孔

既請鄭伯下齊公初欲下齊不知何事而來得

於齊後更云吾知其說齊所由來矣謂山殺申侯說

齊之事始少待我欲以申侯說○下戶對曰朝不

及夕何以待君如字○夏鄭殺申侯以說于齊且用

陳轅濤塗之譖也濤塗譖在五年初申侯申出也

姊妹之子為出有寵於楚文王文王將死與之璧

使行曰唯我知女女專利而不厭于取于求不女疵

瑕也從我取從我求不以女為罪釁○女音汝下

反又疾移反釁後之人將求多於女謂嗣君也求

許斬反下文同多以禮義大望責之女必不免我死女必速行無適

小國將不文容焉。政狹法峻。既葬出奔鄭。又

有寵於厲公子。文聞其死也。曰：古人有言曰：知臣莫

若君，弗可改也已。○秋，盟于甯母。謀鄭故也。管仲言

於齊侯曰：臣聞之，招攜以禮，懷遠以德。攜，離也。德

禮不易，無人不懷。齊侯修禮於諸侯，諸侯官受方物。

諸侯官司各於齊受其方所當貢天子之物。

侯至之物。正義曰：周禮大行人云：侯服貢祀物，甸服貢殯物，男服貢器物，采服貢服物，衛服貢材物，要服貢貨物，鄭玄云：祀貢者犧牲之屬，殯物絲枲也，器物尊彝之屬，服物玄纁絺纈也，材物入材也，貨物龜貝也。如彼禮文，諸侯所貢之物，皆以服數為差。尚書禹貢任土作貢，皆貢土地所生，不計路之遠近，然則

周禮雖依服數亦貢上地所生不宜遠求他方之物

以貢王也王室盛明之時每國貢有常職天子既衰

諸侯惰慢貢賦之事無復定準故霸主總帥諸侯尊

崇天子量其國之大小號令所出之物傳言諸侯各

使官司取齊約束受其方所當貢天子之物傳言諸侯各

物言其一聽齊令美齊侯能以禮服諸侯鄭伯使大

子辛聽命於會言於齊侯曰洩氏孔氏子人氏三族

實違君命三族鄭大夫洩息列反若君去之以為成

我以鄭為內臣君亦無所不利焉以鄭事齊如封

內臣呂反齊侯將許之管仲曰君以禮與信屬諸

侯而以姦終之無乃不可乎子父不奸之謂禮守命

共時之謂信守君命共時事音恭註同違此二

者。姦莫大焉。公曰。諸侯有討於鄭。未捷。今苟有釁。從之。不亦可乎。○釁去。對曰。

君若綏之以德。加之以訓辭。而帥諸侯以討鄭。鄭將

覆亡之不暇。豈敢不懼。若總其罪人。以臨之。○總將

領也。子華奸父之命。即罪人。○覆方。服反。鄭有辭矣。何懼

以。大義為辭。且夫合諸侯以崇德也。會而列姦。何

以示後嗣。○列姦用子華。曰。經書。齊侯宋公陳世

子款鄭世子華盟于甯母。則已列於會矣。管仲方云。會而列姦。何以示後嗣者。桓公列之於會。直是列其身耳。管仲言列姦者。謂將用其姦謀。故杜云。列姦用子華也。不受子華之請。即是會不列姦。他國無事可

記齊史無所不隱。故下句言他國記姦。則廢君盟。齊史隱諱。則損盛德也。夫諸侯之會。其

德刑禮義。無國不記。記姦之位。○位。會位也。子華為

姦人。而列在會位。將為諸侯所記。君盟替矣。○替。廢

也。○替他。計反。作而不記。非盛德也。○君舉必書。雖復齊

史隱諱。亦損盛德。又反。君其勿許。鄭必受盟。夫子

華既為大子。而求介於大國。以弱其國。亦必不免。○介

介因也。○音界。鄭有叔詹。堵叔。三良為政。未可間

也。齊侯辭焉。子華由是得罪於鄭。冬。鄭伯使請盟于

齊。○以齊侯不聽子華故。堵丁古反。又音。者。問。問。廟。之。間。○閏月。

惠王崩襄王惡大叔帶之難襄王惠王太子鄭也

大叔帶襄王弟惠后之子也有寵於惠后惠后欲立

之未及而卒惡鳥路反大懼不立不發喪而告難

于齊音秦叔又作州為八年盟洮傳北他

經八年春王正月公會王人齊侯宋公衛侯許男曹伯

陳世子款盟于洮王人與諸侯盟不譏者王室有

難故洮曹地王人至曹地正義曰公羊傳曰

命也穀梁傳曰王人之先諸侯何也貴王命也弁冕

雖舊必加於首周室雖衰必先諸侯釋例以為中士

與為盟所以同獎王室天子之臣不與諸侯同盟釋

例曰未有臣而盟君臣而盟君是子可盟父故春秋

王世子以下會諸侯者皆同會而不同盟是言王臣

正法不與諸侯盟也二十八年踐土之盟傳稱王子

虎盟諸侯于王庭杜云王子虎臨盟不同軟故不書

宣七年傳曰諸侯盟于黑壤王叔桓公臨之以謀不

睦杜云王叔桓公銜天子之命以監臨諸侯不同軟

尊卑之別也哀十三年傳曰公會單平公晉定公吳

夫差于黃池杜云平公周卿士也不書尊之不與會

此三者王臣皆不與盟是其正法然也若天子初立

王室不安命臣使結盟諸侯以安王室雖非正法事

勢宜然既無衰美又無貶責此王人與諸侯盟不譏

者王室有難王敕使來盟故也文十年及蘇子盟于

女栗傳曰頃王立故也襄三年公會單子晉侯云云

春秋疏

卷之三

七

與不譏皆鄭伯乞盟新服未與會故不序列別言
從此例鄭伯乞盟新服至乞盟○正義曰鄭伯往年
乞盟預下同使子華聽命心猶未服齊桓拒子華
之請故今始服從齊桓以其新服尚未與之會故不
序列而別言乞盟止言乞盟不知與盟以否傳稱鄭
伯乞盟請服也既言請服義無不受當是既盟之後
而別與之盟諸言乞師皆乞得其師知此乞盟亦乞
得其盟但盟理可
見不復別言盟耳

夏狄伐晉

秋七月禘于大廟用致夫人禘三年大祭之名大廟

周公廟致者致新死之主於廟而列之昭穆夫人淫
而與殺不薨於寢於禮不應致故僖公疑其禮歷三

禘今果行之嫌與常故書之

殺音試禘三至

義曰釋天云禘大祭也言其大於四時之祭故為一
年大祭之名言每禘三年而一為此祭也大廟廟之
大者故為周公廟釋例曰三年喪畢致新死之主以
進於廟廟之遠主當遷入祧於是乃大祭於大廟以
審定昭穆謂之禘是說致者致新死之主於廟而列
之昭穆也此致致哀姜也哀姜薨已多年非復新死
而於今始致者傳發凡例夫人不薨于寢則不致哀
姜例不應致故僖公疑其禮喪畢之日不作禘祭之
禮以致之既不為哀姜作喪畢禘祭其禘自從閔公
數之二年除閔喪為禘至五年復禘今八年復禘姜
死以來已歷三禘今因禘祭果復行之三年一禘禘
自是常不為夫人禘祭因禘而致夫人嫌其異於常
禮故史官書之若其不致夫人則此
禘得常不書為用致夫人而書之耳

冬十有二月丁未天王崩實以前年閏月崩以今年

十二月丁未告

傳八年春盟于洮謀王室也鄭伯乞盟請服也襄王

定位而後發喪王人會洮還而後王定位○晉里

克帥師梁由靡御號射為右以敗狄于采桑傳言

前年事也平陽北屈縣西南有采桑津射食梁由

靡曰狄無恥從之必大克不恥走故可逐里克曰

懼之而已無速眾狄恐怨深而羣黨來報號射曰

期年狄必至示之弱矣期音基本或作替注同○夏狄伐晉報

采桑之役也復期月明期年之言○秋禘而致哀

姜焉非禮也凡夫人不薨于寢不殯于廟不赴于同

不祔于姑則弗致也寢小寢同同盟將葬又不以

殯過廟據經哀姜薨葬之文則為殯廟赴同祔姑今

當以不薨于寢不得致也音附凡夫至致也○正

義曰夫人薨葬之

禮有赴同祔姑反哭三事而已此說致之禮加以薨

殺殯廟而不言反哭者蓋以致於廟者終始成其尊

死生之禮畢不薨于寢死不得其所也不殯于廟葬

之不以禮也死葬非禮則先神恥之故不具四事皆

不合也反哭者直為書葬以否假使不書其葬夫人

之禮亦成自是生者之可譏非為死者之有失雖不

反哭亦得致之故於此不言反哭也○寢小至致

也○正義曰喪大記云男子不死於路寢既言婦人

於男子之手必不得死於路

於男子之手必不得死於路

於男子之手必不得死於路

寢謂卒於夫人之大寢對君路寢為小故云小寢也
 同者同盟之國也檀弓曰喪之朝也順死者之孝心
 也其哀離其室也故至於祖考之廟而後行殷朝而
 殯於祖周朝而遂葬士喪禮朝而遂葬與記正同知
 周法不殯於廟而此傳及襄四年皆云不殯于廟以
 為失禮知其將葬之時不以殯過廟耳殯過廟者將
 葬之時從殯宮出告廟乃葬非是殯尸於廟中也據
 經哀姜薨葬之文知其赴同耐姑可矣亦知其殯於
 廟者以元年十二月喪至一年五月始葬明至則殯
 於寢也既殯於寢自然葬當朝廟故據葬文亦知殯
 廟唯當以不薨
 於寢不得致耳 ○冬王人來告喪難故也是以緩
 有大叔帶之難 ○宋公疾大子茲父固請曰目夷長
 且仁君其立之 茲父襄公也目夷茲父庶兄子魚
 也 ○父音甫 公命子魚子魚辭曰能以國讓仁孰大
 長丁丈反

焉臣不及也且又不願 立庶不願禮送之

經九年春王三月丁丑宋公御訖 四同盟 ○御魚

音 四同盟 ○正義曰御訖以莊十三年即位十
 六年盟于幽十九年于野二十七年于幽僖元
 年于禚四年于召陵五年于首止七年于甯母八年
 于洮皆魯宋俱在是為八同盟不數莊公之盟揮盟
 經不書亦不數故云四同盟劉君乃數莊公
 之盟又不數召陵以為六同盟而規杜非也

夏公會宰周公齊侯宋子衛侯鄭伯許男曹伯于葵丘

周公宰孔也宰官周采地天子三公不字宋子襄

公也傳例曰在喪公侯曰子陳畱外黃縣東有葵丘

周公至葵丘 ○正義曰傳稱王使宰孔賜齊侯
 昨知周公即宰孔也其官為大宰采地名為周天

子三公故稱公孔則其名也穀梁傳曰天子之宰通於四海其意言宰者六官之長官名通於海內是故書其官名也通于四海者當謂大宰之長官耳其屬官不亂得通而宰恒宰渠伯糾則必非長官亦稱爲宰者蓋目宰夫以上皆通也釋例曰今案春秋以考之其稱公者皆三公非五等之公也是言祭公周公皆三公也釋例又曰王之公卿皆書爵則卿亦不字杜云三公不字者以入春秋以來家父南季皆大夫稱字宰周公又承其後故云不字不於祭公逆王后註者因歷序諸國而言之莊八年傳曰遠稱管至父戊葵丘杜云齊地臨淄縣西有地名葵丘與彼異者傳稱齊侯不務德而勤遠畧西爲此會則此地遠處齊西不得近在臨淄故釋例以爲宋地陳畱外黃縣東有葵丘或曰河東汾陰縣爲葵丘非也經書夏會葵丘九月乃盟晉爲地主無緣欲會而不及盟也是說不同之意

秋七月乙酉伯姬卒

無傳

公羊穀梁曰未適人故下

稱國已許嫁則以成人之禮書不復傷也婦人許嫁

而笄猶丈夫之冠○復扶又反傷式羊反

○正義曰公羊傳曰此未適人何以卒許嫁矣婦人

許嫁字而笄之死則以成人之喪治之穀梁傳意亦

與之詞嫁於大夫死不書卒此許嫁者嫁於國若也

但本往彼國不成彼國之婦故不稱國也喪服小記

曰男子冠而婦人笄其義一也是許嫁而笄猶丈夫

之冠也禮男子冠而不爲殤婦人笄而不爲殤故以

成人之喪治之爲之服成人之服禮姊妹在室期出

嫁大功檀弓曰姊妹之薄也蓋有受我而厚之者

爲夫厚之故我降之也曾子問云取女有吉日而女

死如之何孔子曰婿齊衰而弔既葬而除之其夫不

爲服則兄弟不爲降禮諸侯絕旁期此爲齊衰期也

九月戊辰諸侯盟于葵丘夏會葵丘次伯姬卒文不

相比故重言諸侯宰孔先歸不與盟直用反與音預

夏會至與盟正義曰平丘會後即盟不言諸

侯為間無異事故也此亦會後為盟間有伯姬卒

盟會文不相比故重言諸侯又傳稱宰孔先歸則宰

甲子晉侯詭諸卒未同盟而赴以名甲子九月十一

日戊辰十五日也書在盟後從赴詭九至從赴

正義曰甲子在戊辰之前而書在盟後從赴從赴

者赴在盟後也春秋之世史失其守赴告之文多違

禮制計諸侯之薨當具以薨之日告於鄰國隱三

年傳曰壬戌平王崩赴以庚戌故書之是赴者妄稱

日也襄二十八年傳曰王人來告喪問崩日以甲子

告故書之是元赴不以日被問乃稱日也文十四年

傳曰七月乙卯夜齊商人弑舍齊人定懿公使來告

難故書以九月是赴者不言死月魯史不復審問即

書以來告之月也此甲子晉侯卒蓋赴以日而不以

月魯史不復審問書其來告之日唯稱甲子而已不

知甲子是何月之日故在戊辰後也若赴以九月告

魯魯史當推其日之先後不得甲子在戊辰後也明

書其日耳

冬晉里克殺其君之子奚齊獻公未葬奚齊未成君

故稱君之子奚齊受命繼位無罪故里克稱名如字

傳同公

傳九年春宋桓公卒未葬而襄公會諸侯故曰子凡

在喪王曰小童公侯曰子謂在喪未葬也小童者童
蒙幼穉之稱子者繼父之辭公侯位尊上連王者下
絕伯子男周康王在喪稱子一人釗禮稱亦不言小
童或所稱之辭各有所施此謂王自稱之辭非諸夏
所得書故經無其事傳通取舊典之文以事相接稱
尺證反釗古謂在喪至相接○正義曰既言桓公
堯反又音昭謂葬即發在喪之例知其未葬謂未
葬也童者未冠之名童而又小故為童蒙幼穉之稱
易蒙卦云匪我童蒙童蒙求我童蒙謂闇暗也幼童
於事多闇昧是以謂之童蒙焉曲禮曰夫人自稱於
其君曰小童鄭玄云小童若云未成人也王崩未葬
嗣王自稱亦言已未成人也子者對父之名故云繫
父之辭以未成若故繫於父不忍絕之稱也諸侯爵

有五等唯言公侯曰子以公侯尊也傳稱在禮卿不
會公侯會伯子男可也又子產云鄭伯男也使從公
侯之貢懼弗給也是公侯之尊絕於伯子男也此既
言王即云公侯是其與王相連特為公侯立稱伯子
男不得同之也春秋無伯子男在喪之事既不為立
稱又不得成君不知其當何所稱也然按桓十一年
鄭忽出奔衛莊二十四年曹羈出奔陳杜云先君既
葬不稱爵者國人賤之以名赴則既葬稱爵未葬稱
名也周康王在喪稱子一人釗尚書康王之誥也曲
禮云君天下者曰天子朝諸侯分職授政曰余一人
天子未除喪曰余小子是禮天子自稱亦不言小童
也此言王曰小童必有稱之時或所稱之辭各有所
施但不知施何處耳如曲禮之文天子未除喪曰余
小子則是未得稱一人而康王在喪稱子一人釗者
當以諸侯列土之意將欲各歸其國故正其成君之
稱以答諸侯也此小童者王謙自稱之辭非諸王所
得書故經無其事其公侯曰子乃是史書之文二者
非相類之事而并為一凡是傳通取舊典之文以事

類相接耳非言小童是策書之例也釋例郊雩烝嘗
 例不云地祇及祔祠者經無其事故傳畧而不言此
 王者小童亦經無其事所以言之者郊雩烝嘗多故經
 無者畧之此王曰小童與公侯相接其文簡約經雖
 無事亦連而言之釋例曰位彌高者事彌重重慮周
 於經遠故儀制異於凡人存其實篤其志足以敘親
 疎之情通萬事之理而已故諸列國之君在喪或不
 得已而修會盟之事唯公侯特稱子以別尊卑是言
 獨為公侯立稱之意春秋公侯稱子皆是其父未葬
 唯二十五年公會衛子莒慶盟于泚於時衛文公已
 葬而成公稱子釋例曰衛文公欲平莒於魯未終而
 薨故衛子尋父之志魯人因此亦修文公之好此孝
 子之至感人情之所篤故成公雖已免喪至於此盟
 降從在喪之名故經隨而書子傳從而釋之云修文
 公之好也 ○夏會于葵丘尋盟且修好禮也 ○好呼報反
 同王使宰孔賜齊侯胙 胙祭肉尊之比二王後胙

才素 胙祭至王後。正義曰傳稱太子祭于
 反 沃歸胙于公此天子有事于文武賜齊侯以
 胙知胙是祭肉也周禮大宗伯以胙膳之禮親兄弟
 之國鄭玄云胙膳社稷宗廟之肉以賜同姓之國同
 福祿也胙膳即胙肉也言親兄弟之國則與姓不合
 賜也二十四年傳曰宋先代之後也於周為客天子
 有事膳焉是言二王之後禮合得 曰天子有事于文
 之今賜齊侯是尊之比二王後也 曰天子有事于文
 武 有祭事也使孔賜伯舅胙 天子謂與姓諸侯
 曰伯舅 天子至伯舅。正義曰曲禮曰五宮之
 舅鄭玄云謂為三公者周禮九命作 齊侯將下拜孔
 伯齊桓是九命之伯故以伯舅呼之 曰且有後命天子使孔曰以伯舅耆老加勞賜一級
 無下拜 七十曰耆級等也。耆田節反一音他結
 反勞力報反級音急。

七十曰耄。級等也。正義曰釋言云耄老也。舍人云年六十稱也。郭璞云八十為耄。釋名云八十曰耄。耄鐵也。皮黑如鐵。彼說或云六十或云八十。杜

云七十曰耄者。耄之年齒既無。明文曲禮云七十曰老。爾雅以耄為老。故以為七十。曲禮升階之法云。涉級聚足。是級為等也。法當下拜。賜之勿下。是進一級

對曰天威不遠顏咫尺。言天鑒察不遠。威嚴常在

顏面之前。八寸曰咫。咫之。言天至曰咫。正

方言云。顏額謂額也。中夏謂之額。東齊謂之顙。河頽

淮泗之間。謂之顙。魯語云。肅慎氏貢楛矢。長尺有咫。賈逵亦云。八寸曰咫。說文云。周制寸尺咫尋皆以

人之體為法。中婦人手長八寸。謂之咫。周尺也。小

白余敢貪天子之命無下拜。小白齊侯名。余身也。處耳齊侯既稱小白而復言余。故解之余身釋詰

文舍人曰。余卑謙之身也。孫炎曰。余舒。恐隕越于下。遲之身也。郭璞曰。今人亦自呼為身。隕越于下。直類

以遺天子羞敢不下拜。登受。自堂下受。反丁。以遺天子羞。敢不下拜。登受。自堂下受。

胙於堂上。遺于。下拜登受。正義曰。覲禮天子命書于其上。升自西階。東面。太史氏右。侯氏升。西面

立。太史述命。侯氏降階。再拜。是此。秋齊侯盟諸侯于葵丘。下拜也。升成拜。是此。登受。秋齊侯盟諸侯于葵丘。

曰凡我同盟之人既盟之後言歸于好。義取修好。故傳顯其盟辭。宰孔先歸。既會先諸侯去。先諸

反遇晉侯曰可無會也。晉侯欲求會。葵丘齊侯不

務德而勤遠畧故北伐山戎在莊三十一年南伐

楚在四年西為此會也東畧之不知西則否矣言復向東必不能復西畧

務靖亂無勤於行在存也微戒獻公言晉將有亂

晉侯乃還不復會齊○九月晉獻公卒里克平鄭

欲納文公故以三公子之徒作亂平鄭晉大夫三

公子申生重耳夷吾○平普悲反初獻公使荀息傅奚齊

公疾召之曰以是藐諸孤言其幼賤與諸子縣藐

○藐妙小反又言其至縣藐○正義曰藐者縣

亡角反縣音玄遠之言諸子皆長而奚齊獨幼是

小大相去縣藐也藐諸孤者言辱在大夫其若之何

年既幼穉縣藐於諸子之孤稽首而對曰臣竭其股肱

之力加以以忠貞其濟君之靈也不濟則以死繼之

公曰何謂忠貞對曰公家之利知無不為忠也送往

事居耦俱無猜貞也往死者居生者耦兩也送死

事生兩無猜恨所謂正也○猜七才反疑也及里克將殺奚

齊先告荀息曰三怨將作三公子之徒秦晉輔之

子將何如荀息曰將死之里克曰無益也荀叔曰吾

與先君言矣不可以貳能欲復言而愛身乎荀叔

荀息也復言言可復也。能欲復言而愛身乎。正義曰意能欲使前言可反

復而行之得愛雖無益也將焉辟之且人之欲善誰

不如我我欲無貳而能謂人已乎。言不能止里克

使不忠於申生等。馬於虔反下。冬十月里克殺

奚齊于次。次稟寢書曰殺其君之子未葬也荀息

將死之人曰不如立卓子而輔之荀息立公子卓以

葬十一月里克殺公子卓于朝荀息死之君子曰詩

所謂白圭之玷尚可磨也斯言之玷不可為也。詩

大雅言此言之缺難治甚於白圭。玷丁筆反又荀

息有焉。有此詩人重言之義。齊侯以諸侯之師

伐晉及高梁而還討晉亂也。高梁晉地在平陽縣

西南今不及魯故不書。前已發不書例今復重發

嫌霸者異於凡諸侯。令力政反本又作命。晉御

芮使夷吾重賂秦以求入。御芮御克祖父從夷吾

者。從本。曰人實有國我何愛焉。言國非已之有

何愛而不以賂秦入而能民士於何有從之。能得

民不患無土齊隰朋帥師會秦師納晉惠公。隰朋

齊大夫惠公夷吾。秦伯謂御芮曰公子誰恃對

一曰臣聞亡人無黨有黨必有讎言夷吾無黨無黨

則無讎易出易入以微勸秦易並言夷至勸

秦伯問公子誰恃問公子於晉國之臣倚恃誰為內

主也對言夷吾無黨無讎者由無黨故往前易出無

讎故此時易入言易出夷吾弱不好弄弄戲也好

呼報能謂不過有節制長亦不改不識其他公謂

公孫枝曰夷吾其定乎公孫枝秦大夫子桑也長

對曰臣聞之唯則定國詩曰不識不知順帝之

則文王之謂也詩大雅帝天也則法也言文王聞

行自然合天之法又曰不僭不賊鮮不為則僭過

差也賊傷害也皆忌克也能不然則可為人法則僭

子念反下注無好無惡不忌不克之謂也今其言多

忌克既僭而賊如字惡鳥路反難哉言能自定

難公曰忌則多怨又焉能克是吾利也其言雖多

忌適足以自害不能勝人也秦伯慮其還害已故曰

是吾利唯則至利也正義曰唯身有則者乃能

定國也詩美文王之德不記識古事不學

知今事常順天之法則而行之為北行者文王之謂

也又曰人行不僭差不賊害能如此者少不為人所謂

法則言必為人所法則也此二詩所云者無所偏好

無所私惡不為忌差不好勝人之謂也今其此處言

之言多有所以多欲陵人以此而求安定難哉今其

言多忌克覆上不忌不克上既有無好無惡不覆之

言多忌克覆上不忌不克上既有無好無惡不覆之

言多忌克覆上不忌不克上既有無好無惡不覆之

者以身行忌克則有私好私惡之心舉忌克足以包好惡也公曰多忌於人則多為人怨又焉能勝人此乃是吾之利也無好無惡言文王之行也不忌不克述抑篇之義也引二詩於前以此言結之。○詩大至之法。○正義曰詩大雅皇矣之篇也則法釋詁文彼鄭箋云其為人不知今顧天之法而行之是言間行自然合天地之法也禮記稱天無私覆地無私載合天地法者即無偏好無私惡之謂也。○晉過之法則。○正義曰詩大雅抑之篇也彼毛傳云晉差也鄭玄云不忌賊是賊為害也心有所忌則多過差志在陵人必多為賊害下云不忌不克覆述此文故言借賊者皆忌克也。○其言至吾利。○正義曰心忌前人則人亦忌已志在陵人則人亦陵已若使人皆忌之人皆陵之是適足以自害不能勝人也秦伯聞其忌克慮其還來害已。○宋襄公即位以公故以不能勝人為是吾利也。

子目夷為仁使為左師以聽政於是宋治故魚氏世

為左師

○治直 吏反

經十年春王正月公如齊

○無傳

狄滅溫溫子奔衛

○蓋中國之狄滅而居其土地

晉里克弒其君卓及其大夫荀息

○弒卓在前年而以

今春書者從也獻公既葬卓以免喪故稱君也荀

息稱名者雖欲復言本無遠謀從君於昏○至於昏

○正義曰傳於前年甚詳經以今年書之明赴以今年弒也傳稱立公子卓以葬是免喪始死故稱君也文七年宋人殺其大夫傳曰不稱名眾也且言非其罪也死者不稱名非其罪故知稱名者皆有罪也荀息稱名者不知奚齊卓子之不可立又不能誅里克以存君是其雖欲復言本無遠謀也襄十九年齊殺

其大夫高厚傳稱從君於昏獻公惑於驪姬殺適立庶荀息知其事而為之傅奚齊是其從君於昏也

夏齊侯許男伐非我無傳非戎山戎

晉殺其大夫里克奚齊者先君所命卓子又以在國嗣位罪未為無道而里克親為三怨之主累弑二君

故稱名以罪之奚齊至罪之。正義曰宣四年傳例曰弑君稱君君無道也稱臣

臣之罪也里克殺奚齊弑卓子皆書里克之名是奚齊與卓子未為無道也殺大夫傳言不稱名者為無罪則稱名為有罪故今稱里克之名以罪之

秋七月

冬六雨雪無傳平地尺為大雪。雨云付反

傳十年春狄滅溫蘇子無信也蘇子叛王即狄又不

能於狄狄人伐之王不救故滅蘇子奔衛蘇子周

司寇蘇公之後也國於溫故曰溫子叛王事在莊十

九年蘇子至九年。正義曰尚書立政云司寇蘇公成十一年傳曰管周克商蘇念生以溫

為司寇以此知蘇子司寇蘇公之後也國名為蘇所都之邑名為溫故溫蘇遷見於經是得兩稱故也

○夏四月周公忌父王子黨會齊隰朋立晉侯周

公忌父周卿士王子黨周大夫晉侯殺里克以說周

自解說不篡篡初患反將殺里克公使謂之曰微子則

不及此雖然弑二君與一大夫為子君者不亦難

乎對曰不有廢也若何以興欲加之罪其無辭乎

言欲加已罪不患無辭 欲加至辭乎 正義曰言

辭以罪臣乎言 臣聞命矣伏劍而死於是乎鄭聘于

必方便有辭耳 秦且謝緩賂故不及

里克俱死○晉侯改葬其大子

音恭本亦作 秋狐突適下國

恭大音秦 國曲沃新城 正義曰曲沃邑也而稱國者晉昭侯

嘗以此邑封叔桓叔國之三世武公始并晉國遷

晉國故城之為下國也 遇大子大子使登僕

夢而相見 狐突本為申生御故復使登車為僕

而告之曰夷吾無禮

及註同 夷吾無禮 賈逵云烝於獻公夫

人賈君故曰無禮馬融云申生不自明而死夷吾故

葬之章父之過故曰無禮 余得請於帝矣

難得而知夷吾無禮或非 吾將以晉畀秦秦將祀余

一事不可指言故不說也 對曰臣聞之神不歆非類

民不祀非族

子孫妄祀他人父祖則鬼神不歆享之耳祭法云聖

王之制祭祀也法施於民則祀之以死勤事則祀之

以勞定國則祀之能禦大菑則祀之能捍大患則祀之

報功如此之徒非獨欲已之族若功不被于民名

不載於祀典唯其子孫祀之神亦不歆他族然則秦

秦刑之濫也使祀申生祀之大失也晉無罪而滅以畀

秦刑之濫也夫豈不達此事而待狐突之言方改

秦刑之濫也夫豈不達此事而待狐突之言方改

者民之與神不相離。變離理有大歸，非曲為小。惠豈有一人寃枉，即能訴天天受，人訴辭便將滅國。此聖人是妖夢假託上天，非天實為之人，能改易傳言鬼神所馮，有時而言非言，此事實是天心不可執其言。所以人事，君祀無乃殄乎？飲饗也，殄絕也。利反下，為難也。

許金反。且民何罪，失刑乏祀。君其圖之。君曰：諾。吾將復請七日。新城西偏將有巫者而見我焉。註同。故

沃也將因坐而見。偏匹。七日。至我焉。正義曰：縣反。申生謂狐突云：更經七日於新城西偏將有坐者而與之俱見我焉。故杜云：將因巫而見。

許之，遂不見。狐突許其言，申生之象亦沒。見賢遍反，又如字。及期而往，告之

曰：帝許我，罰有罪矣。做於韓，敝敗也。韓，晉地，獨敝

惠公故言罰有罪，明不復以晉界秦夷，吾忌克多怨

終於失國。雖改葬加諡，申生猶忿。傳言鬼神所馮，有

時而信。馮皮。敝敗至而信。正義曰：晉語云：冰反。惠公即位，出其世子而改葬之，臭

徹於外國，人誦之曰：貞之不報，孰是人斯？而有是臭也。貞為不聽信，為不誠，不更厥正，天命其傾，倚兮違

兮心之哀。今歲之二七，其靡有徵兮。郭偃曰：甚哉，善

之難也。君改葬共君以為榮也，而惡滋章。十四年，君

之家祀其替乎？亦不鄭之如秦也。言於秦伯曰：呂甥

卻稱冀芮，實為不從。若重問以召之，三子，晉大夫

不從，不與秦賂，問聘問之幣。稱尺證。三子至，義曰：曲禮云：凡以弓劍苞苴箠箠問人者，鄭玄云：問猶遺也。重問謂多以財貨遺之也。丁云：幣重而言甘。

故云問聘臣出晉君君納重耳蔑不濟矣蔑無也

○冬秦伯使冷至報問且召三子冷至秦大夫

力丁卻芮曰幣重而言甘誘我也遂殺平鄭祁舉力丁

祁舉晉大夫及七輿大夫侯伯七命副車七乘

命貳車七乘貳即副也每車一大夫主之謂

之七輿大夫服虔云上軍之輿帥七人屬申生者襄

大夫為申生報怨樂盈將下軍故左行莫華右行賈

華叔堅騅欽纍虎特宮山祁皆里平之黨也七子

七輿大夫行戶剛反下同其音恭騅音佳欽音旅

平豹奔秦平豹平鄭之子言於秦伯曰晉侯背大

主而忌小怨民弗與也伐之必出大主秦也小怨

里平音背公曰失眾焉能殺謂殺里平之黨

反違禍誰能出君謂豹辟禍也為明年晉殺平鄭

傳

經十有一年春晉殺其大夫平鄭父以私怨謀亂國

書名罪之書春從告

夏公及夫人姜氏會齊侯于陽穀無傳婦人送迎不

出門見兄弟不踰闕與公俱會齊侯非禮闕音城

音況
城反

秋八月大雩雩無傳過時故書

冬楚人伐黃

傳十一年春晉侯使以平鄭之亂來告釋經書在

今年○天王使召武公內史過賜晉侯命天王周

襄王召武公周卿士內史過周大夫諸侯即位天子

賜之命圭為瑞○過古
禾反受玉惰過歸告王曰晉侯其

無後乎王賜之命而惰於受瑞先自棄也已而何繼

之有禮國之幹也敬禮之與也不敬則禮不行禮不

行則上下昏何以長世為惠公不終張本
○惰徒
臥反長

直良反又
丁丈反天王至長世○正義曰召武公亦名過

惠公命晉侯執玉卑拜不稽首內史過歸以告王曰

晉不亡其君必無後不敬王命棄其禮也執玉卑替

其質也拜不稽首無其上也替質無鎮無王無人晉

侯無王人亦將無之欽替其鎮人亦將替之其言多

而小與孔鼂云左丘明集其典雅令辭與經相發明

者以為春秋傳其高論善言別為國語凡左傳國語

有事同而辭異者以其詳於左傳而○夏揚拒泉臯

畧於國語詳於國語而畧於左傳

伊雒之戎伊雒之戎○正義曰釋例曰諸維戎居
伊水雒水之間者河南雒陽縣西南有

戎城伊水出上雒盧氏縣熊耳山東北至河南雒陽

縣入雒雒水出上雒縣豕領山東北經弘農至河南

及諸雜戎居伊水雒水之間者今伊闕北有泉亭拒

俱于反臯古刀反王子帶召之也王子帶甘昭公也召戎

欲因以篡位秦晉伐戎以救周秋晉侯平戎于王

為二十四年天王出居鄭傳○黃人不歸楚貢冬楚

人伐黃黃人恃齊故

經十有二年春王三月庚辰日有食之無傳不書朔

官失之

夏楚人滅黃

秋七月

冬十有二月丁丑陳侯杵臼卒無傳遣世子與修公

同盟甯母及洮杵昌呂反曰其九反

傳十二年春諸侯城衛楚丘之郭懼狄難也楚丘

衛國都郭郭也為明年春秋侵衛傳郭方夫反難

楚丘至衛傳○正義曰衛以二年遷於楚丘諸

侯為之築其城至此為之築其郭公羊傳曰郭者

何郭也不單言衛楚丘者見楚丘未有郭也諸侯不

告魯不與故不書無經而為傳者其言必有所為故

云為秋○黃人恃諸侯之睦于齊也不莫楚職曰自

郟及我九百里焉能害我其音恭焉於虔反夏楚滅黃郟

楚都○王以戎難故討王子帶子帶前年召戎伐

周秋王子帶奔齊○冬齊侯使管夷吾平戎于王使

隰朋平戎于晉平平和也前年晉救周伐戎故戎與

周晉不和王以上卿之禮饗管仲管仲辭曰臣賤有

司也有天子之二守國高在國國子高子天子所命

為齊守臣皆上卿也莊二十二年高侯始見經禧二

十八年國歸父乃見傳歸父之父曰懿仲高侯之子

曰莊子不知今當誰世守手又反註同若節春秋

來承王命何以禮焉節節時也陪臣敢辭諸諸侯之

臣曰陪臣陪步王曰舅氏伯舅之使故曰舅氏

○使所余嘉乃勲應乃懿德謂督不忘往踐乃職無

逆朕命功勲美德可謂正而不可忘者不言位而

言職者管仲位卑而執齊政故欲以職尊之音篤

余嘉至朕命○正義曰余朕皆我也乃女也應當也

懿美也督正也言我善女功勲當女美德謂女功德

正而不可忘宜受此禮往居女職管仲受下卿之禮

而還管管仲不敢以職自高卒受本位之禮君子曰

管氏之世祀也宜哉君子至宜哉○正義曰丘明

世祀也宜哉而遂不世祀子孫絕滅是行讓不忘其

上詩曰愷悌君子神所勞矣詩大雅愷樂也悌

也言樂易君子為神所勞來故世祀也管仲之後於齊沒不復見傳亦舉其無驗○愷本亦作凱開在反
報反註同樂音洛下同易以或
反下同來力代反復扶又反
正義曰詩大至無驗
而和易也世族譜管氏出自周穆王成十一年傳有
齊管于奚譜以為雜人則非管仲之子孫也哀十六
年傳稱楚曰公殺齊管修杜云管修楚賢大夫故齊
管仲之後是管仲之後
後於齊沒不復見也

經十有三年春秋侵衛傳在前年春

夏四月葬陳宣公無傳

公會齊侯宋公陳侯衛侯鄭伯許男曹伯于鹹鹹衛

地東郡濮陽縣東南有鹹城音卜

秋九月大雩無傳書過

冬公子友如齊無傳

傳十三年春齊侯使仲孫湫聘于周且言王子帶不言

前年王子帶奔齊言欲復之事畢不與王言不言

子帶事歸復命曰未可王怒未怠其十年乎不十年

王弗召也○夏會于鹹淮夷病杞故且謀王室也

秋為戎難故諸侯戍周齊仲孫湫致之戍守也致

諸侯戍卒于周為于偽反下註欲為
同難乃且反卒子忽反
○冬晉荐饑

註 麥禾皆不熟。○荐在薦反。晉荐饑。正義曰。天云穀不熟為饑。仍

饑為荐。李巡曰。穀不成。使乞糴于秦。秦伯謂子桑與

諸乎對曰。重施而報。君將何求。言不損秦。歷反。施

式。或反。下同。重施而不報。其民必攜。攜而討焉。無衆必敗。

註 不義故民離。謂百里與諸乎。百里秦大夫對曰。

天災流行。國家代有。救災恤鄰。道也。行道有福。平鄭

之子豹在秦。請伐晉。欲為父報怨。秦伯曰。其君是

惡其民何罪。秦於是乎輸粟于晉。自雍及絳。相繼

命之曰汎舟之役。雍秦國都。絳晉國都。雍於用反。絳古巷反。

註 從渭水運入河汾。汎芳劍反。河汾。正義曰。

秦都雍。雍臨渭。晉都絳。絳臨汾。渭水從雍而東。至弘

農華陰縣。入河。從河逆流而北。上至河東。汾陰縣。乃

東入汾。逆流東行。而通絳。故

杜云。從渭水運入河汾也。

經十有四年春。諸侯城緣陵。緣陵杞邑。倅淮夷。遷都

於緣陵。

夏六月。季姬及鄆子遇于防。使鄆子來朝。季姬魯女。

鄆夫人也。鄆子本無朝志。為季姬所召而來。故言使

鄆子來朝。鄆國今琅琊鄆縣。鄆似綾反。本或作繒。

秋八月辛卯。沙鹿崩。沙鹿山名。平陽元城縣東有沙

鹿。古閭

鹿土山在晉地災害繫於所災所害故不繫國

鹿至繫國○正義曰公羊傳曰沙鹿者何河上之邑

也穀梁傳曰林屬於山為沙鹿山名也服虔云沙山

名鹿山足林屬於山曰鹿取穀梁為說也漢書元后

傳稱后祖翁孺自東平陵徙魏郡元城委粟里元城

建公曰晉春秋沙鹿崩晉史卜之曰陰為陽雄土火

相乘故有沙鹿崩崩後六百四十五年宜有聖女與

今王翁孺徙正值其地日月當之元城郭東有五鹿

之虎即沙鹿地計爾時去聖猶近所言當得其實故

以沙鹿為山名依漢書為義也沙鹿實是晉地不言

晉沙鹿者凡有災害繫於所災所害之處不繫於所

屬之國故不繫晉也釋例曰陳既已滅降為楚縣而

書陳災者猶晉之梁山沙鹿崩不書晉也災害繫於

所災所害故以所在為名災為陳災成周宣榭火害

為梁山沙鹿崩山崩必有所害故所災所害別言之

狄侵鄭無傳

冬蔡侯胙卒無傳未同盟而赴以名

傳十四年春諸侯城緣陵而遷杞焉不書其人有闕

也闕謂器用不具城池未固而去為惠不終也澶

淵之會既而無歸大夫不書而國別稱人今此總曰

諸侯君臣之辭不言城杞杞未遷也

遷也○正義曰元年齊師宋師曹師城邢傳稱具邢

器用而遷之師無私焉是器用具而城也固故具列

三國之師詳其文以美之也今此總云諸侯城緣陵

不言某侯某侯與城邢文異不具書其所城之人為

其有闕也知闕為器用不具城池不固而去為惠不

終故總言諸侯以讓之凡諸侯盟會不歷序其人總

言諸侯者皆是讓之辭文十五年諸侯盟于扈傳曰

書曰諸侯無能為也十七年諸侯會于扈傳曰書曰

及古闕

卷之三 二十九

及古闕

諸侯無功也是其總言諸侯皆譏辭也十六年會于淮傳稱城郟役人病不果城而還亦是為惠不終而而乘會既會之後乃欲城郟而不果本意不城郟無可貶也先儒以為諸侯有過貶而稱人杜據澶淵之會與此傳文知諸侯之貶不至稱人故釋例曰傳滅入例衛侯燬滅邢同世故名又云穀伯綏郟侯吾離來朝名賤之也又云不書蔡許之君乘楚車也謂之失位此皆諸侯貶之例例不稱人也諸侯在事傳有明文而經稱人者凡十一條在明不示其義而諸儒皆據案生意原無所出貶諸侯而去爵稱人是為君臣同文非正等差之謂也又澶淵大夫之會傳曰不書其人按經皆去名稱人至諸侯親城緣陵傳亦曰不書其人而經總稱諸侯此大夫及諸侯經傳所以為別也通按春秋自宣公五年以下百數十年諸侯之咎甚多而皆無貶稱人者益明此蓋當時告命註記之與非仲尼所以為例故也 ○鄆季姬來寧公怒止之以鄆子之

不朝也

來寧不書而後年書歸鄆更嫁之文也明

公絕鄆昏既來朝而還○還戶夏遇于防而使來朝○還戶

○秋八月辛卯沙鹿崩晉卜偃曰期年將有大咎幾

亡國○國主山川山崩川竭亡國之徵○期音基咎其九反幾音

祈又音機○國主至之徵○正義曰成五年傳曰國主音機○山川故山崩川竭君為之不舉周語幽王二年西周三川皆震伯陽父曰晉伊維竭而夏亡河竭而商亡國必依山山川山崩川竭亡國之徵也卜偃明達災與以山崩為亡國之徵知其將有大咎不言知之意非末學者所得詳也釋例曰天人之際或異而無感或感而不可知沙鹿崩因謂期年將有大咎梁山崩則云山有朽壤而自崩此皆聖賢之讖言達者所宜先識是說卜偃之言非後人所能測 ○冬秦饑使乞糴于晉晉人弗

與慶鄭曰背施無親

慶鄭晉大夫

○背音佩後皆同施式豉反註

及下而施毛十五年皆同

幸災不仁貪愛不祥怒鄰不義四德皆

失何以守國號射曰皮之不存毛將安傅

號射惠

公舅也皮以喻所許秦城毛以喻糴言既背秦施為

怨以深雖與之糴猶無皮而施毛

○傳號射惠音附公舅○正

義曰晉語云秦懷惠公命輸之粟號射請勿與慶鄭請與之公曰非鄭之所知也遂不與秦侵晉至于韓

公謂慶鄭曰寇深矣奈何慶鄭曰非鄭之所知也君其訊射也公曰舅所病也是號射為惠公之舅也

慶鄭曰棄信背鄰患孰恤之無信患作失援必斃是

則然矣號射曰無損於怨而厚於寇不如勿與言

與秦粟不足解怨適足使秦強慶鄭曰背施幸災民

所棄也近猶讎之況怨敵乎弗聽退曰君其悔是哉

春秋左傳註疏卷第十四

僖十五年

晉杜氏註

唐孔穎達疏

經十有五年春王正月公如齊無傳諸侯五年再相

朝禮也例在文十五年

諸侯至五年。正義曰。文十五年曹伯來朝傳曰。

禮也。諸侯五年再相朝。以文十五年命古之制也。杜云十年曹伯來朝。雖至此乃來亦五年也。此十年公如齊。至此則六年非五年再朝之事。杜引之者。以去朝歲亦五年。故引證之。劉炫云。杜云禮者。謂文十五年傳為禮也。仍為禮也。

楚人伐徐

春秋左傳

卷第十四

及古制

三月公會齊侯宋公陳侯衛侯鄭伯許男曹伯盟于牡

丘牡丘地名闕。牡茂。遂次于匡。匡衛地在陳

甯長垣縣西南公孫敖帥師及諸侯之大夫救徐

公孫敖慶父之子諸侯既盟次匡皆遣大夫將兵救

徐故不復具列國別也。復扶。又反。

夏五月日有食之

秋七月齊師曹師伐厲厲楚與國義陽隨縣北有厲

鄉

八月螽無傳為災螽音終本亦作螻

九月公至自會無傳

季姬歸于郕無傳來寧不書此書者以明中絕。中

反又如字

已卯晦震夷伯之廟夷伯魯大夫展氏之祖父夷諡

伯字震者雷電擊之大夫既卒書字晦至書字

○正義曰公羊穀梁傳皆以晦為冥謂書日闇冥也杜以長歷推已卯晦九月三十日春秋備朔書朔值

晦書晦無義例也傳稱於是展氏有隱惡焉知此夷伯展氏之祖父也大夫之諡多連字稱之不知夷伯

其名為何又不以今之展氏其人是誰故漫言祖父耳諡法安人好靜曰夷是夷為諡也伯是其字也說

文云震霹靂振物者雷陰陽激曜也然則震是霹靂而言雷電擊之者霹靂有聲有光雷電之大者耳故

春秋疏

卷之十四

及古

春秋正義

言雷電以明之玉藻云士於君所言大夫沒矣則稱諡若字是大夫既沒禮書其字也

冬宋人伐曹楚人敗徐于蔓林蔓林徐地下邳僮縣

東南有蔓亭

十有一月壬戌晉侯及秦伯戰于韓獲晉侯例得大

夫曰獲晉侯背施無親懷諫違卜故貶絕下從眾臣

之例而不言以歸不書敗績晉師不大崩○慎皮通反

○例得至大崩。正義曰諸侯與大夫因戰而被殺者昭二十三年傳例君死曰滅大夫死曰獲其被囚者大夫生死同各皆稱為獲國君生獲則曰以歸蔡侯獻舞沈子嘉胡子豹之類皆是也今此晉侯生獲故解之不書敗績晉侯之車還澤而被執耳其師不大崩也

傳十五年春楚人伐徐徐即諸夏故也三月○夏丘

丘尋蔡丘之盟且救徐也○蔡丘盟在九年雅反下

同孟穆伯帥師及諸侯之師救徐諸侯次于匡以待

之○夏五月日有食之不書朔與日官失之也○夏五

月至失之。正義曰桓十七年已有例此重發者。沈氏云彼直不書日今朔日皆不書故重發之。

秋伐厲以救徐也○晉侯之入也秦穆姬屬賈君焉

晉侯入在九年穆姬申生姊秦穆夫人賈君晉獻

公次妃賈女也。屬音屬晉侯至女也。正義曰在

賈無子蒸於齊姜生秦穆夫人及大子申生先言穆姬後言申生知是申生姊也言娶于賈則是正姬杜

春秋正義

卷之二十四三

及古屬

言次妃者蓋於別有所見也晉世家云申生母齊桓女也同母女弟為秦穆夫人夷吾母重耳母女弟也按傳申生之母本是武公之妾武公末年齊桓始立不得為齊桓女也號射惠公之舅狐偃文公之舅二母不得為姊妹也且曰盡納羣公子羣公子晉武皆馬遷之女也

獻之族宣三年傳曰驪姬之亂詛無畜羣公子莊據

反晉侯烝于賈君又不納羣公子是以穆姬怨之晉

侯許賂中大夫中大夫國內執政里平等承反

中大夫至平等正義曰晉語稱夷吾謂秦公子

繫曰中大夫里克與我矣吾命之以汾陽之田百

萬平鄭與我矣吾命之以負蔡之田七十萬此外猶應更有賂也既而皆背之賂秦伯以河外列城五東盡虢畧南及華山內及解梁城

既而不與河外河南也東盡虢畧從河南而東盡

虢界也解梁城今河東解縣也華山在弘農華陰縣

西南解音蟹註河外河至西南正義曰河

及下註同自龍門而南至華陰而東晉在

西河之東南河之北以河非為內河南為外虢畧虢

之境界也獻公滅虢而有之今許以賂秦列城五者

自華山而東盡虢之東界其間有五城也傳稱許若

焦瑕蓋是其二其餘三城不可知也列城猶列國言

其城之大者解梁城則在河晉饑秦輸之粟在十

非非此河外五城之數也在十

三年秦饑晉閉之糴在十四年故秦伯伐晉卜徒

父筮之吉徒父秦之掌龜卜者卜人而用筮不能

通三易之占故據其所見雜占而言之徒父至

義曰徒父以下冠名知是掌龜卜者卜人當占而今
 用筮知其本非所掌不能通三易之占其卦遇蠱不
 引易文是據其所見雜占而言之劉炫云案成十六
 年筮卦遇復云南國蹇射其元王中厥目亦是雜占
 則筮法亦川雜占不必皆取易辭而云不能通三易
 之占者今刪定以為此云涉河侯車敗又云千乘三
 去獲其雄狐子無周易片意又云卜徒父筮之見卜
 人掌筮故杜云不能通三易而成十六年非卜人為
 筮且南國蹇雖非易辭還是周易之象不涉河侯車
 與此同劉君以彼難此而規杜過非也

敗詰之 秦伯之軍涉河則晉侯車敗也秦伯不解
 謂敗在已故詰之○詰起吉反 秦伯至詰之○正義

三去謂晉侯之乘車三度敗壞而去三去之後而獲
 晉君也劉炫以為侯者五等總各國君大號以涉河
 侯車敗為秦伯車敗又云韓戰之前秦晉未有交兵
 何得言晉侯車有三敗以為秦伯車三敗也今刪定

知不然者以秦是伯爵晉實是侯爵既云侯車敗
 知是晉侯車敗秦伯乍聞車敗謂敗在已不達其旨
 故致詰問也又以韓戰之前秦晉未有交兵何得言
 晉侯車有三敗者此謂車有敗壞非兵敗也劉君數
 生與見以對曰乃大吉也三敗必獲晉君其卦遇蠱
 規杜非也

三三 巽下艮上蠱○蠱音古 巽下艮上蠱○正義
 曰艮剛巽柔剛上而柔

去之餘獲其雄狐夫狐蠱必其君也○於周易利涉
 大川往有事也亦秦勝晉之卦也今此所言蓋卜筮

書雜辭以狐蠱為君其義欲以喻晉惠公其象未聞

○乘繩證反去起居反又○於周至未聞 止義
 起據反一音起呂反下同○日筮者若取周易則其

事可推此不引易意不可知故杜舍此傳文而以周
 易言之蠱卦彖云利涉大川往有事也秦晉隔河往
 而有事亦有秦勝晉之卦也今此所言不出於易蓋
 卜筮之書別有雜辭此雜辭不出周易無可據而推
 求故云其 蠱之貞風也其悔山也 內卦為貞外卦
 象木聞 為悔巽為風秦象艮為山晉象 內卦至晉象○
 從下而始故以下為內上為外此言貞風悔山知內
 為貞外為悔洪範論筮云曰貞曰悔是筮之二體有
 貞悔之名也貞正也筮者先為下體而上卦重之
 是內為正也乾之上九稱亢龍有悔從下而上物極
 則悔是外為悔也此筮者先為其內後為其外內
 卦為己身外卦為他人故巽為秦象艮為晉象 歲
 云秋矣我落其實而取其材所以克也 則九月夏
 之七月孟秋也艮為山山有木今歲已秋風吹落山

木之實則材為人所取實落材亡不敗何待三敗及

韓晉侯車三壞 晉侯車三壞。正義曰謂晉

謂晉侯親乘之車也杜言晉侯車壞者成上侯車敗

之文故也且晉之車總屬晉侯亦得云晉侯車也劉

炫云此一句是史家序事充卜人之語言晉侯謂慶

鄭曰寇深矣若之何對曰君實深之可若何公曰不

孫卜右慶鄭吉弗使 惡其不孫不以爲車右此夷

吾之多忌 孫音遜註 步揚御戎家僕徒爲右 步

揚御擊之父乘小駟鄭入也 鄭所獻馬名小駟

音慶鄭曰古者大事必乘其產生其水土而知其人

心安其教訓而服習其道唯所納之無不如志今乘

異產以從戎事及懼而變將與人易變變化人意亂

氣狡憤陰血周作張脉債興外彊中乾債狡戾也債

動也氣狡憤於外則血脉必周身而作隨氣張動外

雖有彊形而內實乾竭後古卯反債扶粉反張中

亂氣至中乾○正義曰言馬之亂氣狡戾而憤滿

陰血偏身而動作張脉動起外雖有彊形內實乾

竭外為陽內為陰血在膚內故稱陰血既動作脉

必張起故言張脉也氣憤於外內必乾燥內血為力

故內潤則彊內乾則弱言乾進退不可周旋不能君

必悔之弗聽九月晉侯逆秦師使韓簡視師韓簡

晉大夫韓萬之孫復曰師少於我鬪士倍我公曰何

故對曰出因其資謂奔來秦入用其寵為秦

所納饑食其粟三施而無報是以來也今又擊之我

怠秦奮倍猶未也公曰一夫不可狃況國乎狃伏

也言辟秦則使伏來○施武氏反年未註同狃女遂

使請戰曰寡人不佞能合其眾而不能離也君若不

還無所逃命秦伯使公孫枝對曰君之未入寡人懼

之入而未定列猶吾憂也列位也苟列定矣敢不

承命韓簡退曰吾幸而得囚得囚謂幸言必敗王

戌戰于韓原國九月十三日國義曰以經書十一月

壬戌恐與經壬戌相亂故顯言之晉戎馬還淳而止

下註云十一月壬戌十四日是也淳泥也還便旋也小駟不調故陷泥中○淳乃定反隋大果

國公號慶鄭慶鄭曰復諫違卜國復矣也○號戶刀反王戶報

反固敗是求又何逃焉遂去之梁由靡御韓簡弮射

為右輅秦伯將止之國輅迎也止獲也○輅五鄭以

救公誤之遂失秦伯秦獲晉侯以歸國經書十一月

壬戌十四日經從赴晉大夫反首拔舍從之國反首

亂頭髮下番也拔草舍止壞形毀服秦伯

反註皆同

使辭焉曰二三子何其感也寡人之從君而西也亦

晉之妖夢是踐豈敢以至國狐突不寐而與神言故

謂之妖夢中生言帝許罰有罪今將晉君而西以厭

息此語踐厭也○厭於冉反一音於晉大夫三拜稽

首曰君履后土而戴皇天皇天后土實聞君之言羣

臣敢在下風穆姬聞晉侯將至以天子幣弘與女簡

璧登臺而履薪焉國營康公名弘其母弟也簡璧營

弘姊妹古之宮閉者皆居之臺以抗絕之穆姬欲自

罪故登臺而荐之以薪左右上下者皆履柴乃得還

○幣於耕反履如字徐本作屨九真通○幣康至得
 反抗苦浪反存存薦反上時寧反通○正義曰
 文十八年秦伯幣卒即此康公也幣弘連文即言與
 女簡璧知弘是幣弟簡璧是其姊妹也劉何列女傳
 說此事云與太子幣公子弘與女簡璧亦以簡璧為
 女也此言登臺履薪是自囚之事哀八年傳稱邾子
 又無道吳子因諸樓臺梯之以棘以此二文知古之
 宮閉者皆居之於臺以抗幣之俗本作屨者屨是在
 是之服故踐者亦稱屨使以免服衰經逆且告通免
 是以誤焉定本作履薪使以免服衰經逆且告通免
 衰經遭喪之服令行人服此服迎秦伯且告將以恥
 辱自殺通免音問又作纒音同衰七雷通免衰至
 義曰初死則有免服成則衰經皆為遭喪之服傳文
 於此或有曰上天降災使我兩君相見不以玉帛而
 以與戎若晉君朝以入則厚于夕以死夕以入則朝
 以死唯君裁之左傳本無此言後人妄增之耳何以

晉獻公筮嫁伯姬於秦遇歸妹三三通免下震上歸

妹之睽三三通免下離上睽歸妹上六變而為睽

苦圭反通遇歸妹之睽○正義曰免下震上為歸妹

徐音圭通震為長男免為少女免說也震動也少陰

而承長陽說以動是歸妹之象婦人謂嫁為歸故名

此卦為歸妹免下離上為睽免為澤離為火火動而

上澤動而下乖離之象史蘇占之曰不吉通史蘇晉

故名此卦為睽睽乖也史蘇至之史○正義曰易歸妹上六

卜筮之史通爻辭女承筐無實士刲羊無血無攸利

此引彼文而以血為虛實為貶唯倒其句改兩字而

加二亦耳其意亦不異也二句以外皆史蘇自衍卦

意而為之辭非易文也易之爻辭亦名為繇故云其

繇曰刲刺也貶賜也刺所以求血上刲羊亦無血陰

加
下
三
乘
院
欠
人
不

夫和親而其爻變為睽歸妹之值睽爻既嫁而更乖
張猶如無助者也言夫不助妻故乖離也震變為離
離還變為震震為雷離為火震變為離是雷變為火
以其為雷為火此處敗姬言秦將敗首也震為車上
六爻在震體則無其應是為車則脫其輓離為火上
九爻在離體則失其位是為火則焚其旗車敗旗焚
是不利於行師若其行師敗於宗族之丘邑也以其
變為睽卦復就睽卦求之睽卦則上九孤絕失位是
乖離而孤獨也孤獨無助遇寇難則張之孤孤弓也
遇寇張弓怖懼警備亦是不吉之象姪其從姑言兄
子其當從至姑家與同處也在姑家六年其將連亡
逃歸其本國而棄遺其家室言將棄妻而獨歸也歸
家之明年其將死於高粱之虛其繇曰士封羊亦無
筮嫁女而得此卦是不吉之象其繇曰士封羊亦無
益也女承筐亦無貺也周易歸妹上六爻辭也忘
血也貺賜也封羊士之功承筐女之職上六無應所

求不獲故下封無血上承無實不吉之象也離為中

女震為長男故稱士女也繇直救反封苦圭反刺割

本亦作況應應對之應也益音荒筐曲方反貺音況

下無應同中丁仲反周易之爻辭無二亦字傳文

加之言男亦猶女女亦猶男其意同也易言血而此

言虛知益是血也貺賜釋詁文封刺也尉宰男子之

事故封羊士之功也筐篚婦人所掌故承筐女之職

也上爻與二其位相值一陰一陽乃為相應上三俱

是陰爻是為無應動而無人應之所求無獲故下刺

無血上承無實是不吉之象上爻變則是震為離離

為中女故稱女承筐震為長男男稱士故為士封羊

王弼以兌為羊羊謂三也上六處卦之窮仰無所承

下文無應為女而上承則虛篚而莫之與為士而下

命則封羊而無血不應所命也言士發命而莫之應

坎為血血在羊上故刺無血也震為竹竹為筐震變
 為離離為火火動而上其施不下故筐無實也此士
 卦羊女承筐是歸妹上六爻辭直據上六之一爻故
 杜云上六無應所求不獲故下卦無血上承無實與
 王輔嗣同則不須變為離卦自有士女之義今杜云
 離為中女便是據變之後如有女承筐之象既為離
 卦則上九有應所以與易說卦不同者但易之所論
 當卦為義此既用筮法震變為離故以離震雜說其
 理與易不同故服虔亦稱 **西鄰責言不可償也**
 離為戈兵用變為說也 **西鄰責言不可償也**
 嫁女於西而遇不吉之卦故知有責讓之言不可報
 償。青側介反又如字 **歸妹** 將嫁至報償。正義曰
 償市亮反又音常 **歸妹** 如杜此言直以遇卦不吉
 則知言不可償不知其象何所出也服虔以為三
 五為坎坎為月月生西方故為西鄰坎為水兌為澤
 澤聚水故坎責之澤澤償水則竭故責言不 **歸妹**
 可償此取象甚迂杜言虛而不經謂此類也 **歸妹**

睽猶無相也 **歸妹** 女嫁之卦睽乖離之象故曰無

相相助也。相息亮 **歸妹** 歸妹至助也。正義曰杜

無相助也。不知其象所出服虔云兌為 **震之離亦離**

之震 **二卦變而氣相通** **二卦至相通**。正義

與離通則離亦與震通言此二卦相通者與下張本

震為雷雷是動離為火震之離是動來適火離之震

是火往適動欲明 **為雷為火為羸敗姬** **羸秦姓姬**

晉姓震為雷離為火火動熾而害其母女嫁反害其

家之象故曰為羸敗姬。音盈 **羸秦** 至敗姬。正

說卦文服虔云離為日為火秦羸姓水 **車說其輓火**

位三至五有坎象水勝火故為羸敗姬

水火流

及古閣

焚其旗不利行師敗于宗丘。輶車下縛也。丘猶邑

也。震為車離為火上六爻在震則無應故車脫輶在

離則失位故火焚旗言皆失車火之用也。車敗旗焚

故不利行師火還害母故敗不出國近在宗邑。吐說

反註同輶音福又音服案車旁著音福老子所云

三十輻共一轂是也車旁著復音服是車下伏兔縛

如字又輶車至宗邑。正義曰子夏易傳云輶

扶臥反輶車下伏兔也今人謂之車履形如伏兔以

繩縛於軸因名縛也上之高者曰丘眾之所聚為邑

故丘猶邑也晉語震為車也說卦離為火上爻在震

則無應故車脫輶三亦陰爻是無應也在離則失位

故火焚其旗初三五奇為陽位二四上偶為陰位在

離則變為陽而居陰位是失位也師行必乘車而建

旗車敗旗焚故不利行師也火還害母故敗不出國

之孤。此睽上九爻辭也處睽之極故曰睽孤失位

孤絕故遇寇難而有弓矢之警皆不吉之象。難乃

音。此睽至之象。正義曰睽卦上九云上九睽

景。孤見豕負塗載鬼一車先張之弧後脫之弧匪

寇婚媾往遇雨則吉彼文甚多此畧取之先張之弧

謂見寇而張弓故曰遇寇難而有弓矢之警皆不吉

之象服虔云坎為寇姪其從姑。震為木離為火火

為弓故曰寇張之弧。從木生離為震妹於火為姑謂我姪者我謂之姑謂

子圍質秦。姪待結反。震為至質秦。正義曰

字林丈一反。震為至質秦。正義曰

及古。震為至質秦。正義曰

及古。震為至質秦。正義曰

及古。震為至質秦。正義曰

子謂舅弟之子為姪是六年其通逃歸其國而棄其

為我姪者我謂之姑家謂子圍婦懷贏○通補○懷贏○正

義曰桓十八年傳曰女有家男有室室家通言耳夫

請妻為家棄其家謂棄其妻故為懷贏也子圍以十

七年質于秦二十二年明年其死于高粱之虛國惠

逃歸是六年乃通也公死之明年文公入殺懷公于高粱高粱晉地在平

陽楊氏縣西南○筮者用周易則其象可推非此而

往則臨時占者或取於象或取於氣或取於時日王

相以成其占若盡附會以爻象則構虛而不經故畧

言其歸趣他皆倣此○虛去魚反王于泥反相息疏

亮反構本又作講各依字讀

惠公至倣此○正義曰圍以二十二年歸二十三年

年惠公死二十四年二月殺懷公于高粱是為惠公

死之明年也此筮之意言六年通明年死則是逃歸

之明年而云惠公死之明年者以二月甲午死是逃歸

言之猶是逃歸之明年也但周正已亥故以惠公死

之耳春秋筮事既多此占最少其象故詳而明之

云用周易則其象可推非周易則不可得知本意所

取不在周易者蓋皆附會爻象以求其事則象非其

類事非其實今構虛而不經故畧言歸趣而已不能

盡得其象也陰陽書以為春則為木王火相土死金

不及此夫韓簡侍曰龜象也筮數也物生而後有象

象而後有滋滋而後有數先君之敗德及可數乎史

蘇是占勿從何益國言龜以象示筮以數告象數相

因而生然後有占占所以知吉凶不能變吉凶故先
君敗德非筮數所生雖復不從史蘇不能益禍音扶夫
先君之敗德及絕句可數乎一讀韓簡至何益○
及可數乎數色主反復扶又反正義曰卜以用
龜灼以出兆是龜以金木水火土之象而告人筮之
用著撰以為卦是筮以陰陽著策之數而告人也况
是動植飛走之物物既生訖而後有其形象既為形
象而後滋多滋多而後始有頭數其意言龜以象而
示人筮以數而告人惠公之意以先君若從史蘇之
占不嫁伯姬於秦已便不及此禍尤先君不從卜筮
也韓簡之意以為惠公及禍自由先君獻公廢嫡立
庶之敗德不由卜筮故云先君之敗德既定致公今
及此禍可由筮數始生之乎敗德有其象數筮龜從
後而知因嫁女於秦見於著兆故云史蘇是占縱使
當時不從何能加益此禍明禍敗既定龜筮知之從
之不能損不從不能益也。○言龜至益禍。正義

謂象生而後有數是數因象而生也若易之卦象
則因數而生故先撰善而後得卦是象從數生也上
云龜象筮數下言言數不言象者上總論卜筮
故龜筮並言當時唯筮伯姬故下直舉數耳詩曰

下民之孽匪降自天傳沓背憎職競由人詩小雅

言民之有邪惡非天所降傳沓面語背相憎疾背人

競所主作因以諷諫惠公有以召此禍也。孽魚列

反沓徒合反邪似詩曰至由人。正義曰詩小雅

差反諷方鳳反十月之交篇也下民之有邪惡

妖孽非是下自上天今小人傳沓沓相刺譏諱言
則相憎主於競遂為惡者由人耳因以諷諫惠公言

善惡由公耳○**震夷伯之廟罪之也於是展氏有隱慝焉**

隱惡非法所得尊貴罪所不加是以聖人因天地

之變自然之妖以感動之知達之主則識先聖之情
以自厲中下之主亦信妖祥以不妄神道助教惟此
為深音智。知音智。隱惡至為深。正義曰。隱訓惡也。隱
人尊貴非刑罰所能加也。忽有震破其廟乃是幽冥
加罪罪人因天地之變自然之妖故章其事以感動
穢行之人使自懲肅也。知達之主則識先聖之情知
此欲以懼愚人也。中下之主亦信此妖祥之事謂身
為惡行神必加禍以此不安動作易稱聖人以神道
設教故云神道助教唯此事為深因此遂泚解春秋
諸有妖祥之事皆為此也。○冬宋人伐曹討舊怨也。莊十四年
曹與諸侯伐宋。○楚敗徐于婁林徐恃救也。齊恃齊
救。○十月晉陰飴甥會秦伯盟于王城。陰飴甥即

呂甥也食采於陰故曰陰飴甥。王城秦地。馮翊郡。
縣東有王城今名武鄉。秦伯曰晉國知乎。對曰不。和
小人恥失其君而恨其親。痛其親為秦所殺不
憚征繕以立國也。曰必報讎寧事戎狄。君子愛其君
而知其罪不憚征繕以待秦命。曰必報德有死無二
以此不和。秦伯曰。國請君何對。曰。小人感謂之不免
君子怒以為必歸。小人曰。我毒秦秦豈歸君。毒謂
三施不報。憚反。憚徒。君子曰。我知罪矣。秦必歸君。貳而
執之。服而舍之。德莫厚焉。刑莫威焉。服者懷德。貳者

長刑此一役也。言還惠公使諸侯威服復可當一

事之功。音捨還音裳。言還至之功。正義曰。若納晉君可以更高一役之功欲深勸秦而若直論

其說劉炫以服義規之辭於理亦通未為殊絕。秦可

以霸結而不定廢而不立以德為怨秦不其然秦伯

曰是吾心也改館晉侯饋七牢焉。牛羊豕各一為

一牢。饋其位反。蛾析謂慶鄭曰盍行乎。蛾析晉大夫

也。蛾魚綺反或作蟻一首五和反。祈星曆反本或作哲蓋尸臘反。對曰陷君於敗

謂呼不往誤晉師失秦伯敗而不死又使失刑非

人臣也臣而不臣行將焉入十一月晉侯歸丁丑殺

慶鄭而後入。丁丑月二十九日。為於是歲哥又

饑秦伯又餽之粟曰吾怨其君而矜其民且吾聞唐

叔之封也箕子曰其後必大晉其庸可冀乎。唐叔

晉始封之君武王之子箕子殷王帝乙之子紂之庶

兄。餽許之若晉世家文也宋世家云箕子者紂

親戚也止云親戚不知為父也兄也鄭玄王肅皆以

箕子為紂之諸父服杜以為紂之庶兄既無正文各

以其意言耳歷檢諸書不見箕子之名唯司

馬彪註莊子云胥餘箕子名不知其然否。姑樹德

焉以待能者於是秦始征晉河東置官司焉。征賦

及古

也

經十有六年春王正月戊申朔隕石于宋五註隕落也

聞其隕視之石數之五各隨其聞見先後而記之莊

七年星隕如雨見星之隕而墜於四遠若山若水不

見在地之驗此則見在地之驗而不見始隕之星史

各據事而書○隕于敏反數色註隕落至而書

文公羊傳曰曷為先言實而後言石實石記聞聞其

隕然視之則不察之則五是隨聞見先後而記之也

傳稱隕星也則石亦是星而與星隕文倒故解之彼

見星之隕不見在地之驗此見在地之石不見始隕

亦見在地之霜不見在天之驗故霜上言隕與此同

也星石霜言隕雪雹言雨者其類也是月六鷩退

似雨者稱雨不似雨者即稱隕也是月六鷩退

是月六鷩退是月隕石之月重言是月嫌同日鷩水鳥

高飛遇風而退宋人以為災告於諸侯故書○是月

是日鷩五歷反本或作鷩音同六其註是月至故

數也過古禾反重直用反傳註同書○正義曰

月令諸言是月皆是前事之月知此是隕石之月也

石隕鷩退俱是宋事事相類而同時告故重言是月

隕同日也告者不以鷩退之日告故言是月以鷩之

鷩水鳥者相傳為然春秋考異鄒云鷩者毛羽之蟲

生陰而屬於陽洪範五行傳曰鷩者陽禽鷩字或作

鷩廣志云鷩古退飛者今以其首為船頭莊子云鷩

之相視鷩子不運而風化博物志云鷩雌相視則孕

或曰鷩鷩上風雌水下風則亦孕是也鳥飛不能自

而書之魯史而記宋事知其
宋人以為災告於諸侯故書

三月壬申公子季友卒無傳稱字者貴之公與小斂

故書曰與音預斂力驗反公稱字至書曰正義曰季是其字

友是其名猶如仲遂叔肸之類皆名字雙舉劉炫以
季為氏而規杜過非也炫云季友仲遂皆生賜族非

也

夏四月丙申鄆季姬卒無傳鄆似

秋七月甲子公孫茲卒無傳

冬十有二月公會齊侯宋公陳侯衛侯鄭伯許男邢侯

曹伯于淮臨淮郡左右邢音刑淮音懷臨淮郡左右正義曰

淮水發源入海其路甚長會于淮者必是會于水旁
不得會于水內杜欬指其處無以可明故云臨淮郡

左

傳十六年春隕石于宋五隕星也但言星則嫌星

使石隕故重言隕星但言至隕星正義曰下

言星也則嫌是星使石隕故重言隕星以明所隕之

石即是星也易稱在天成象在地成形則星之在上

其形不可知也古今之說星隕至地皆言為石經書

在地之驗故言隕石傳本在天之時故言隕星不知

星之在上其形本是石也為當既六鷁退飛過宋都

隕始變為石聖賢不說難得而知六鷁退飛過宋都

風也六鷁退風而退飛風高不為物害故不記

風之異音峻疾也周內史叔與聘于宋宋襄公問

焉曰是何祥也吉凶焉在言祥吉凶之先見者襄公

以為石隕鷓退能為禍福之始故問其所在○焉於

○焉於又知字言必有所在○正義曰中庸云國家將亡必有妖孽則事之

先見善惡異名吉之先見謂之祥凶之先見謂之妖

此總云祥者彼對文耳書序云毫有祥桑穀共生于

朝五行傳云青祥白祥之類惡事亦稱為祥祥是總

名公問是何祥也吉凶焉在故杜并以吉凶解之言

吉凶先見皆為祥也襄公以為石隕鷓退能為禍福之始故問其所在蓋當慮其在已故問之對曰

今茲魯多大喪言魯喪至知之○正義曰此三者叔與

侯而不終言魯喪至知之○正義曰此三者叔與

他占知之止言其事不說知之所由或觀政教刑

法或他事別有占驗故云別以政刑他占知之言知

之不由石鷓也劉炫云政者若周大夫入陳竟見官

職不修若臣南冠如夏氏知簡夷將亂子貞見公執

玉卑知其替死也刑者若夷吾忌克多怨君子知其

不終也吉凶有二陰陽調序四海玉燭時吉也陰陽

錯逆寒暑失度民多癘疫五穀不登時凶也父慈子

孝君義臣忠人吉也父不父子退而告人曰君失闕

是陰陽之事非吉凶所生也言石隕鷓退陰陽錯

逆所為非人所生襄公不知陰陽而問人事故曰君

失問叔興自以對非其實恐為有識所譏故退而告

人○錯七言石至告人○正義曰劉炫云言是

序則物皆得性必無妖異故云陰陽錯逆所為非人

吉凶所生也傳稱天反時為災地反物為妖人反德

古語

為亂亂則妖災生洪範咎徵曰狂悖雨若之類皆言
 人有愆失乃致陰陽錯逆而云陰陽錯逆非人所生
 者石隕鷓鴣飛事由陰陽錯逆陰陽錯逆乃是人行所
 致襄公不問已行何失致有此異乃謂既有此異將
 來始有吉凶故答云是乃陰陽之事非將來吉凶所
 生言將來若有吉凶協此石鷓鴣之異耳非始從石鷓
 而出也襄公不知陰陽錯逆為既往之咎乃謂將來
 吉凶出石鷓鴣之間是不知陰陽而空問人事故云君
 失問也叔與若以實對當云由君愆失致有此異今
 乃別以政刑他占橫說齊亂魯喪自以對非其實恐
 為有識所譏故退而告人以此言也服虔云鷓鴣退風
 皆君行所致非吉凶所從生襄公不問已行何失而
 致此變但問吉凶焉在以為石隕鷓鴣退吉凶所從而
 生故云石隕問是劉炫用服義為說也今剛定以杜
 注云石隕陰陽錯逆所為非人所生則陰陽錯逆自
 然有此非由人事之失致此錯逆又吉凶不由石鷓
 所生故傳云是陰陽之事非吉凶所生是吉凶不由
 石鷓石鷓所生不由於人則吉凶之來別由人行得

失耳故釋例云或異而無感或感而不可知如此之
 類是也其傳云亂則妖災生洪範曰狂悖雨若此皆
 假之陰陽以為勸戒神道助教非實辭也但吉凶由
 聖賢之說未知孰是故兩載其義以俟後賢
人吾不敢逆君故也
 積善餘慶積惡餘殃故曰吉

凶由人君問吉凶不敢逆之故假他占以對
 積善至以對。正義曰積善餘慶積惡餘殃易
 文言文也言將來吉凶由人行所致行善則有吉
 行惡則有凶吉凶自由於君不從石鷓鴣而
 出吾不敢逆君之心故假他占以對之
 ○夏齊伐厲不克救徐而還

十五年齊伐厲以救徐
 ○秋狄侵晉取狐廚受鐸涉汾及昆都因晉敗也
 狐廚受鐸昆都晉三邑平陽臨汾縣西北有狐谷亭汾水出

大原南入河○狐音胡廚直誅反鐸徒各**至人河**

○正義曰汾水從平陽南流折而西入于河臨汾縣在汾水北狐谷疑是狐廚乃在縣之西北則狐廚受鐸皆在汾北狄自北而侵南涉**○王以我難告于齊**

齊徵諸侯而戍周十一年戎伐京師以來遂為王

室難**○冬十一月乙卯鄭殺于華**終管

仲之言事在七年**○十二月會于淮謀郟且東畧也**

郟為淮夷所病故**城郟役人病有夜登丘**

而呼曰齊有亂不果城而還役人遇厲氣不堪久

駐故作妖言**○呼火故**

反還音旋

經十有七年春齊人徐人伐莒氏

○莒於京反

夏滅項

項國今汝陰項縣公在會別遣師滅項不言

師諱之

○項胡講反國名魯滅**項國**至諱之

不言師而言諱之者沈云襄十三年傳云用大師焉

曰滅此既稱滅故知用大師劉炫云案傳齊人以為

討討其滅國非討用師既不諱滅何以諱師炫謂將

卑師少稱人不可自言魯人故不稱師炫不達此旨

秋夫人姜氏會齊侯于卞

卞今魯國卞縣

○卞皮

夫人至于卞**○正義曰婦人送迎不出門見兄弟不**

踰闕今出會齊侯無讓文者凡夫人之行得禮失禮

有書其事善惡自明故於文悉無褒貶此時公為

齊人所止夫人會以釋之縱使違禮不合貶責

九月公至自會公既見執于齊猶以會致者諱之

冬十有二月乙亥齊侯小白卒與僖公八同盟赴以

名與僖至以名正義曰元年盟于犇三年公

于泚九年于葵丘十五年于首止七年于甯母八年

召陵諸侯皆在公亦與焉故為八也同盟相赴以名

主謂當時兩君但與其父盟亦得以名赴

其子月與僖盟既多故不復通數莊閔也

傳十七年春齊人為徐伐英氏以報婁林之役也為于

英氏楚與國婁林役在十五年為于○夏晉大子

圍為質於秦秦歸河東而妻之秦征河東置官司

在十五年○圍魚居反質音致惠公之在梁也梁伯

妻之梁嬴孕過期過十月不產懷子曰孕

孕以詔反過十月至曰孕正義曰十月而產

過古禾反人大期又家語云人十月而生故知過

期過十月也易稱婦孕卜招父與其子卜之下招

父梁大夫招上遙反大音秦其子曰將生一男一女招曰然

男為人臣女為人妾故名男曰圍女曰妾圍養馬

者不聘曰妾圍養至曰妾○正義曰昭七年傳

奔則為及子圍西質妾為宦女焉宦事秦為妾

音○師滅項師魯師淮之會公有諸侯之事未歸

而取項淮會在前年冬諸侯之事會同講禮之事

齊人以為討而止公內諱執皆言止○秋聲姜以

公故會齊侯于卞聲姜僖公夫人齊女九月公至

書曰至自會猶有諸侯之事焉且諱之也恥見執

故託會以告廟猶有至諱之也。正義曰實無諸

侯之事而言至自會者尚似有諸

事焉○齊侯之夫人三王姬徐嬴蔡姬皆無子齊侯

好內多內寵內嬖如夫人者六人長衛姬生武孟

武孟公子無虧奸呼報反嬖必計少衛姬生惠公

公子元少計鄭姬生孝公公子昭葛嬴生昭

公子潘潘別密姬生懿公公子商人宋華

子生公子雍華氏之女子姓公與管仲

孝公於宋襄公以為太子雍雍有寵於衛其姬因寺

人貂以薦羞於公雍巫雍人名巫即易牙

恭本亦作恭貂音彫易音亦雍巫至易牙。正義曰周禮掌

名巫而字易牙也亦有寵公許之立武孟易牙既有寵於

公為長衛姬請立武孟為于管仲卒五公子皆求

立冬十月乙亥齊桓公卒乙亥十月八日易牙入

與寺人貂因內寵以殺羣吏內寵內官之有權寵

者而立公子無虧孝公奔宋十二月乙亥赴辛巳夜

殯

六十七日乃殯。殯必刃反。

經十有八年春王正月宋公曹伯衛人邾人伐齊納

孝公

夏師救齊無傳

五月戊寅宋師及齊師戰于廩丘師敗績無虜既死

曹衛邾先去魯亦罷歸故宋師獨與齊戰不稱宋公

不親戰也。大崩曰敗績。廩齊地。廩魚免反。又魚偃反。又音言。一音彥。

秋救齊無傳救四公子之徒

秋八月丁亥葬齊桓公十一月而葬亂故八月無丁

亥日誤

冬邾人狄人伐衛。狄稱人者史異辭傳無義例。

稱至義例。正義曰決上狄救齊不稱人也。於例將卑師衆稱師將卑師少稱人。謂中夏諸侯之例。此稱邾人是將卑師少者。夷狄既無爵命非有君臣之別。文多稱戎稱狄。今君臣同文或單稱狄或稱狄又是時史異辭非褒貶也。穀梁傳曰狄其稱人何也。善累而後進之伐衛所以救齊也。其意以為上已救齊今復伐衛救齊故進之稱人。左氏無此義故為史異辭。

傳十八年春宋襄公以諸侯伐齊三月齊人殺無虧

以說宋。說音悅。如字。鄭伯始朝于楚。中國無霸

故楚子賜之金既而悔之與之盟曰無以鑄兵。楚

金刑於○楚之鐘○記云吳越之劍是也故以鑄三

鐘○古者以銅為其傳言楚無霸者遠畧○齊人將

立孝公不勝四公子之徒遂與宋人戰○無虧已死

故曰四公子○勝音升夏五月宋敗齊師于觀立孝

公而還○秋八月葬齊桓公孝公立而後得葬○

冬邢人狄人伐衛圍菟園衛侯以國讓父兄子弟及

朝衆曰苟能治之燬請從焉○燬衛文公名徒國布

燬○古反又音布衆不可○不聽衛侯讓而從師于嘗婁

陳師嘗婁嘗婁○嘗子斯反婁郎狄師還○

獨言狄還則邢置距衛言邢所以終為衛所滅○梁

伯益其國而不能實也○多築城邑而無民以實之

命曰新里秦取之

經十有九年春王三月宋人執滕子嬰齊○稱人以執

宋以罪及民告例在成十五年傳例不以名為義書

名及不書名皆從赴○嬰於稱人至從赴○正

子下云邾人執邾子二君於傳無不道之狀而皆稱

人以執是宋公欲重其罪以罪及民告故史從而書

之以示虛實釋例曰凡諸侯無加民之惡而稱人以

執皆時之赴告欲重其罪以加民為辭國史承之書

之於策而簡牘之記具存夫子因示虛實故傳隨而

著其本狀以明得失也滕子鄫子皆稱人見執宋欲

重二國之罪故以不道赴或名或不名從所告之文也傳具載于魚之辭以虐二國之君見義明非罪也杜言書各從赴者諸侯被執其罪與不罪直以執者稱人稱侯為異傳例不以書名為義釋例曰諸見執者已在罪賤之地書名與否非例所加故但言執某侯也其意言被執已是罪賤書名更無可加故不復以名為義既不以為義而被執者有名與不名知其皆從赴也

夏六月宋公曹人邾人盟于曹南無傳曹雖與盟而

猶不服不肯致餼無地主之禮故不以國地而曰曹

南所以秋而見圍與同微許氣反曹雖至見

哀十二年傳曰諸侯之會侯伯致禮地主歸餼桓十

四年公會鄭伯于曹傳曰曹人致餼禮也春秋諸會

於國都者即以國都名為會地地主不序於列此會

地於曹南則在曹之都也在曹之都而曹人在列是

曹雖與盟而心猶不服故宋人圍曹傳曰討不備也

以不服而被圍知此地以曹南即是不服之故也

不肯致餼無地主之禮以此故不以國地而曰曹南

所以及秋而見圍以秋見圍知此時不服故註言之

鄆子會盟于邾不及曹南之盟諸侯既罷鄆乃會

之於邾故不言如會侯盟于曹南鄆子欲往會之

未至於曹諸侯既罷以邾既盟訖故如邾會之本意

欲往會盟未至於曹諸侯已去其實至於邾國故書

會盟于邾言其意欲盟也二十八年踐土盟下云陳

侯如會彼謂往至會所此不至會所故書其所至而

不言如會襄七年鄆之會下鄭伯冕頌如會未見諸

侯丙戌卒于邾亦不至會所而云如會者其意欲會

而在道身喪故亦書其所至義與此同但卒執事異

故文異耳邾子不及曹南而至於邾國蓋宋公知其

在邾故使已酉邾人執鄆子用之稱人以執宋以

邾子執之

春秋

卷之四

十一

罪及民告也。鄆雖失大國會盟之信，然宋用之為罰，已虐故直書用之言。若用畜產，也不書社。赴不及也。不書宋使邾而以邾自用為文，南面之君善惡自專，不得託之於他命。○畜許 **○**稱人至他命。正義曰：昭十一年楚執蔡世子友，用之與此執鄆子川之皆惡，其無道直書用之言，其若用畜牲所以惡楚宋也。惡宋而以邾自用為文者，南面之君善惡自專，不得託之於他命。事實惡宋亦所以惡邾也。傳稱川之於社而經不書於社，故云赴不及也。劉炫規過云：執蔡世子友用之不言岡山，此何須云於社？今剛定知不然者，以莊二十五年穀用社，今不云於社，故知赴不及則昭十一年執蔡世子友用之亦赴不及也。

秋宋人圍曹，衛人伐邢。**○**代邢在圍曹前，經書在後，從赴。

冬會陳人、蔡人、楚人、鄭人盟于齊。**○**地於齊，齊亦與盟。

○地於齊，齊亦與盟。正義曰：地於齊者，言即以齊為所盟之地也。傳稱陳穆公請修桓公之好，而為此盟，明是齊亦與盟。地於齊而齊不序，諸盟會以國都而地主不列於序者，地主亦與盟會，皆以此而知之耳。

梁亡。**○**以自亡為文，非取者之罪，所以惡梁。○惡鳥

○以自至惡梁。正義曰：諸侯受命天子，分地建國，無相滅之理。此以自亡為文，不書所取之國，以為梁國自亡，非復取者之罪。所以深惡梁耳。非言秦得滅人國也。釋例曰：作事不時，則怨譴動於民。彼梁伯者，及古閣。

虛與無虞之功詐稱無害之寇遂滿其宮以盪百姓之心開大國之志是妖孽之先徵自亡之實應故不言秦滅梁而以自亡為文

傳十九年春遂城而居之承前年傳取新里故不

復言秦也為此冬梁亡傳復扶○宋人執滕宣公

○夏宋公使邾文公用鄆子于次睢之社欲以屬東

夷睢水受汴東經陳畱梁譙沛彭城縣入泗此水

次有妖神東夷皆社祀之蓋殺人而用祭屬朱欲反

誰在消反沛音貝泗欲以屬東夷○正義曰屬譙

夷聚來歸已也齊桓以德屬諸侯諸侯聚歸齊桓○

睢水受汴東經陳畱梁國譙郡沛國至彭城縣入泗
凡水首從水出謂之受流歸他水謂之入漢書之例
為然言汴從河出雖從汴出也次謂水旁也下云用
諸淫昏之鬼則此祀不在祀典故云此水次有妖神
妖神而謂之社傳言以屬東夷則此是東夷之神故
言東夷皆社祠之劉炫云按昭十年季平子伐莒獻
俘始用人於亳社彼亳社舊不用人杜何以知此社
殺人而用祭乎今知不然者彼傳云始用人於亳社
故知舊來不用此云使邾文公用鄆子于次睢之社
既不言始明知舊俗用之劉取彼而規杜過非也
司馬子魚曰古者六畜不相為用司馬子魚公子

目夷也六畜不相為用謂若祭馬先用馬畜許

同為于偽反下為人司馬至川馬○正義曰爾

六畜周禮謂之六牲養之曰畜用之曰牲其實一物

用彼註不云馬而以其餘當之明其俱為祭祀所用
 彼此同也周禮按人春祭馬祖鄭玄云馬祖天駟也
 孝經說曰房為龍馬六畜之言先祖者唯此一文而
 已以外牛羊之等其祖不知為何神也謂若祭馬先
 不用馬畧舉一隅據有文者言之耳沈氏云春秋說
 天苑主牛又有天雞天狗天豕以馬祖類之此等各
 有其祖小事不用大牲紀言繫廟用羊門夾室皆用
 雞隱十一年傳稱鄭伯之謂使卒出穀而況敢用人
 行出大雞如此之類皆是以用大牲也

乎祭祀以為人也民神之主也用人其誰饗之齊桓
 公存三亡國以屬諸侯三亡國魯衛邢國魯衛

邢。正義曰齊語云魯有夫人慶父之亂二君弑死
 國絕無嗣桓公使高子存之狄人攻邢桓公築夷儀
 以封之狄人攻衛衛人出廬于曹桓公城楚丘以封
 之是也衛則狄滅之矣魯邢不滅而言亡者美大齊

桓之功功耳義士猶曰薄德謂欲因亂取魯緩救邢衛今
 一會而虐二國之君朱公三月以會召諸侯執滕

子六月而會盟其月二十二日執鄆子故云一會而
 虐二國之君又用諸淫昏之鬼非周社故將以求
 霸不亦難乎得死為幸恐其亡國○秋衛人伐邢
 以報菟圃之役邢不速退所以獨見伐於是衛大
 早卜有事於山川不吉有事祭也甯莊子曰魯周
 饑克殷而年豐今邢方無道諸侯無伯伯長也
 丁丈反天其或者欲使衛討邢乎從之師興而雨○宋

人圍曹討不服也曹南盟不修地主之禮故子魚

言於宋公曰文王聞崇德亂而伐之軍三旬而不降

崇崇侯虎 反下同 退修教而復伐之因壘而降

復往攻之備不改前而崇自服 復扶又反註同

伐衍字也壘 詩曰刑于寡妻至于兄弟以御于家邦

力軌反軍壘 詩大雅言文王之教自近及遠寡妻嫡妻謂大姒

也刑法也 御如字治也詩音五嫁反迎也嫡

德無乃猶有所闕而以伐人若之何盍姑內省德乎

無闕而後動 臘反 盍胡 陳穆公請修好於諸侯以無

志齊桓之好也 齊桓公之好也 齊桓公之好也

故思齊桓 反下同 齊桓公之好也 齊桓公之好也

不書取梁者主名初梁伯好土功壘城而弗處民罷

而弗壘則曰某寇將至乃濇公宮 濇壘 反罷音皮

盍反 曰秦將襲我民懼而潰秦遂取梁 外反 潰戶

經二十年春新作南門 魯城南門也本名稷門僖公

更高大之今猶不與諸門同改名高門也言新以易

舊言作以興事皆更造之文也 魯城至文也

木名稷門今新修者新修彼稷門更令高大因改名

高門此事非有所據魯人相傳云然今時魯人其言

魯人其言

魯人其言

魯人其言

猶如此也新者易舊之意作者與事之辭皆是更造
之文也劉賈先儒皆云言新有故在言作有新在故
為此言以異之釋例曰言新意所起言作以興事通
謂興起功役之事總而言之不復分別因舊與造新
也

夏郟子來朝

無傳郟姬姓國

郟古報反

郟姬姓國

正義曰二十四年傳富辰所云郟之初封文王之子
勝季之弟以後更無所聞唯此年一見而已無時君
誰滅之

五月乙巳西宮災

無傳西宮公別宮也天火曰災例

在宣十六年西宮至六年正義曰穀梁以西
宮也公羊傳曰西宮者何小寢也小寢則曷為謂
之西宮有西宮則有東宮矣此註取公羊為說故云

鄭人入滑

入例在襄十三年

滑于

秋齊人狄人盟于邢

冬楚人伐隨

傳二十年春新作南門書不時也

失土功之時凡

啓塞從時

門戶道橋謂之啓城郭牆塹謂之塞皆

官民之開閉不可一日而闕故特隨壞時而治之今
僖公修飾城門非開閉之急故以土功之制譏之傳
嫌啓塞皆從土功之時故別起從時之例

門戶至之例。正義曰：傳唯言啓塞從時，不知啓塞之言，意何所謂？服虔云：闔扇所以開，鍵閉所以塞。月令：仲春修闔扇，孟冬修鍵閉。從時從此，時也。傳既云：作門不時，更發從時之例，則啓塞之事當是城門之類，安得以爲闔扇？鍵閉細小之物乎？若是仲春孟冬傳，何以不言春冬而直云從時？知從何時？豈丘明作傳，不待月令而後明哉？故杜更爲別說，雖杜之言亦無明證，正以門戶道橋所以開，人行路於以爲啓塞，郭牆塹所以障蔽，往來故以爲塞。雖言無所據，而理在可通。此二事者，皆官民之所開閉，終當須之，不可一日而闕。言從時者，特從壞時而修之，不得拘以上功時月也。此新作南門者，當時不是傾壞，僖公欲修飾使高大耳，非關閉之急，得待土功間月，令以日至之後興造此門，故以土功之制譏之。云書不時也，傳既譏僖公作門不時，嫌門戶牆塹之類，交急之事，亦待土功之月，故別起從時之例，言啓塞不須待時，其新作門須待時耳。杜云：城郭謂之塞，亦得從壞時而治之，所以春秋築城每云書不時者，謂非因破

壞而輒修理，故謂之不時。釋例曰：門戶道橋，壞則修，不修則廢。官民之開閉，不可一日闕者，也。故特隨壞時而修之，皆當其時而訖，不必用土功之常時也。故傳既曰：書不時，又曰：啓塞從時，重發以明二義。其他急事亦包之也。魯城南面三門，隱公元年開一門，故今南有四門。僖公意更繕治高大，稷門非啓塞之義，而以口至之後興功，故經書春傳曰：書不時，言失。○滑人叛，十功之時也。啓塞之事，猶得從宜而修之。

鄭而服於衛 夏鄭公子士洩堵寇鄭大夫。○秋，士鄭文公子洩堵寇鄭大夫。○秋，齊狄盟于邢，爲邢謀衛難也。於是衛方病邢。○爲于乃日。○隨以漢竟諸侯叛楚，冬楚圍穀於菟帥師伐隨，取成而還。君子曰：隨之見伐，不量力也。量力而動。

其過鮮矣善敗由已而由人乎哉詩曰豈不夙夜謂

行多露詩召南言豈不欲早暮而行懼多露之濡

已以喻違禮而行必有汚辱是亦量宜相時而動之

義穀奴口反於音烏菟音徒鮮息凌反下同召上照反暮本亦作暮音暮汚穢之汚一音烏路反

相息亮反○宋襄公欲合諸侯臧文仲聞之曰以欲從人

則可屈已之欲從衆之善以人從欲鮮濟爲明

年鹿上盟傳

經二十有一年春秋侵衛

無傳爲邢故○爲于僞反下爲邪同

宋人齊人楚人盟于鹿上

鹿上宋地汝陰有原鹿縣

宋爲盟主故在齊人上

夏大旱雩不獲雨故書旱自夏及秋五稼皆不收

雩不至不收。正義曰春秋之例旱則修雩雩必爲旱而經或書雩或書旱者雩而得雨喜雩有苗書雩不書旱雩不得雨則書旱明災成此時雩不獲雨故書旱也周之夏即今之二月三月四月也於時方欲下種此月不雨未能成災而書夏大旱者此後雖得少雨而終是不堪生殖從夏及秋五稼悉皆不收不收之後擇最早之月而書之故書夏大旱也劉炫云大旱而不書饑者傳云是歲也饑而不害故不書饑

秋宋公楚子陳侯蔡侯鄭伯許男曹伯會于孟

孟宋地楚始與中國行會禮故稱爵○孟音于執宋公以伐宋

註不言楚執宋公者宋無德而爭盟為諸侯所疾故

總見眾國共執之文 ○見賢

冬公伐邾 **註**無傳為邾滅須句故 ○何其俱

楚人使宜申來獻捷 **註**無傳獻宋捷也不言宋者秋伐

宋冬來獻捷事不異年從可知不稱楚子使來不稱

君命行禮 ○獻軒建反

十有二月癸丑公會諸侯盟于薄釋宋公 **註**諸侯既與

楚共伐宋宋服故為薄盟以釋之公本無會期聞盟

而往故書公會諸侯 ○薄 **註**諸侯至諸侯 ○正義

如字 **註**諸侯之被執者皆不

書其釋釋而公不與又不告故魯史不得書之此由

公往與盟見其得釋故書之耳文七年公會諸侯及

大夫盟于扈傳曰公後至故不書所會凡會諸侯不

書所會後也後至不書其國辟不敏也此盟亦總言

諸侯不書其國似是公之後期故解之魯先不屬楚

公本無會期聞盟而往故書公會諸侯非後期也公

非後期而總書諸侯者此則會孟之諸侯也一事而

再見者前日而後凡自謂前已歷序故後總言耳非

為魯公 變文也

傳二十一年春宋人為鹿上之盟以求諸侯於楚楚

人許之公子目夷曰小國爭盟禍也宋其亡乎幸而

後敗 **註**謂軍敗 ○夏大旱公欲焚巫尪 **註**巫尪女巫

也主祈禱請雨者或以為尪非巫也瘡病之人其面

上向俗謂天哀其病恐雨入其鼻故為之早是以公欲焚之

○ 疍鳥黃反禱丁老反或丁報反瘠在亦反向本亦作嚮許亮反故為于傷反

疍至焚之○正義曰周禮女巫巫也并以巫疍為女巫以為早欲焚之故知巫疍女巫也

則疍是劣弱之稱當以女巫疍弱故稱疍也或以為疍非巫也巫是禱神之人疍是瘠病之人二者非一

物也疍是病人天恐雨入其鼻俗有此說不出傳記義或當然故兩解之也檀弓云歲旱穆公召縣子而問焉曰天久不雨吾欲暴疍而奚若曰天則不雨而

暴人之疾于虐無乃不可與鄭玄云疍者面嚮天觀天哀而雨之又曰吾欲暴巫而奚若鄭玄云巫主接

神亦觀天哀而雨之彼欲暴人疾而求雨故鄭玄以為覲天哀而下雨此欲燒殺以求雨故杜以為天哀之而不雨意異故解異也禮記既言暴疍又別言暴巫巫疍非一物記言暴人之疾則疍是病人或說是也

臧文仲曰非旱備也修

城郭貶食省用務稽勸分

稽儉也勸分有無相濟

○貶彼檢反

省所景反

故為儉也襄二十四年穀梁傳曰五穀不升謂之大侵大侵之禮君食不兼味臺榭不塗

弛侯廷道不除百官布而不制鬼神禱而不祀曲禮云歲凶年穀不登君膳不祭肺馬不食穀如此之類


皆是務為儉也務為儉也

凶荒則無道之國乘而為兵故修城郭為守備也

此其務也巫疍何為天欲殺之則如勿生若能為旱焚之滋甚公從之是歲也

饑而不害

不傷害民○秋諸侯會宋公于孟子魚曰禍其在此乎君欲已甚其何以堪之於是楚執宋公以伐宋冬會于薄以釋之子魚曰禍猶未也未足



以懲君為二十二年戰泓傳懲直升反任宿須

句與風姓也實司大皞與有濟之祀司主也大

皞伏羲四國伏羲之後故主其祀任今任城縣也須

更在泰山南武陽縣東北須句在東平須昌縣西北

四國到近於濟故世祀之任音壬註同顓音專史

風姓大音泰皞胡老反濟子禮反註及下以服事諸

夏與諸夏同服王事須句成風家成風為之言於

須句來奔因成風也須句成風家成風為之言於

公曰崇明祀係小寡周禮也明祀大皞有濟之祀

保安也為于蠻夷猾夏周禍也此邾滅須句而

曰蠻夷昭二十三年叔孫豹曰邾又夷也然則邾雖

曹姓之國迫近諸戎雜用夷禮故極言之猾夏亂諸

夏猾于八反叔孫豹百教反按杜註所引是叔孫

若語今傳本多作豹惡是傳寫誤也宜為媯媯音

若語今傳本多作豹惡是傳寫誤也宜為媯媯音

修祀禘也禘禘也禘禘也禘禘也

